

四庫全書

史部

欽定四庫全書

史部

資治通鑑卷一百二

詳校官編修_臣范來宗

洗馬_臣王坦修覆勘

總校官知縣_臣楊懋珩

校對官庶吉士_臣范鰲

謄錄監生_臣劉澐

欽定四庫全書

寶治通鑑卷一百

宋司馬光撰

胡三省音註

晉紀二十二

起齊廢帝元年閏盡屠
維協洽凡五年

考宗穆皇帝中之下

永和十一年春正月故仇池公楊毅弟宋奴使其姑子
梁式王刺殺楊初初子國誅式王及宋奴自立為仇池
公桓溫表國為鎮北將軍秦州刺史 二月秦大蝗百

草無遺牛馬相噉毛

無草可食故相噉毛噉徒盪翻又徒覽翻

夏四月燕

主雋自和龍還薊

燕主如龍城見上卷上年薊音計

先是幽冀之人以

雋為東遷

和龍直薊之東先悉薦翻

互相驚擾所在屯結羣臣請討

之雋曰羣小以朕東巡故相惑為亂耳今朕既至尋當

自定不足討也

蘭陵太守孫黑濟北太守高柱

守式又翻

濟字禮翻

建興太守高允

允蒲奔翻

及秦河內太守王會黎陽太

守韓高皆以郡降燕

史言燕疆諸反側子皆附之降戶江翻

秦淮南王

生幼無一目性粗暴其祖父洪嘗戲之曰吾聞瞎兒一

淚信乎

賸許轄翻
一目盲也

生怒引佩刀自刺出血曰此亦一淚

也洪大驚鞭之生曰性耐力槩不堪鞭捶

槩色角翻
捶止緊翻

洪

謂其父健曰此兒狂悖

悖蒲內翻
又蒲沒翻

宜早除之不然必破

人家健將殺之健弟雄止之曰兒長自應改何可遽爾

及長力舉千鈞手格猛獸

格擊也
知兩翻

走及奔馬擊刺騎

射冠絕一時

騎奇寄翻
古玩翻下同

獻哀太子卒

秦太子襄
諡曰獻哀

彊后

欲立少子晉王柳

彊其兩翻
少詩照翻

秦主健以讖文有三羊五

眼乃立生為太子

為苻生以凶暴
不克紹張本

以司空平昌王菁為

太尉尚書令王墮為司空司隸校尉梁楞為尚書令

盧楞

登翻

姚襄所部多勸襄北還襄從之五月襄攻冠軍將

軍高季於外黃

外黃縣自漢以來屬陳留郡賢曰外黃故城在今汴州雍丘縣東冠古玩翻

會季卒襄進據許昌六月丙子秦主健寢疾庚辰平

昌公菁勒兵入東宮將殺太子生而自立時生侍疾西

宮

秦主所居為西宮

菁以為健已卒

卒子恤翻

攻東掖門健聞變登

端門陳兵自衛眾見健惶懼皆捨仗逃散健執菁數而

殺之

數所角翻

餘無所問壬午以大司馬武都王安都督中

外諸軍事

符雄死健以菁都督中外諸軍菁以逆誅以安代之

甲申健引太師魚

導丞相雷弱兒太傅毛貴司空王墮尚書令梁楞左僕

射梁安右僕射段純吏部尚書辛牢等受遺詔輔政健

謂太子生曰六夷酋帥及大臣執權者若不從汝命宜

漸除之

為苻生虐殺大臣張本酋慈由翻帥所類翻

臣光曰顧命大臣所以輔導嗣子為之羽翼也為之

羽翼而教使剪之能無斃乎知其不忠則勿任而已

矣任以大柄又從而猜之鮮有不召亂者也

乙酉健卒

年三十九

諡曰景明皇帝廟號高祖丙戌太子生

即位

苻生字長生健第三子也

大赦改元壽光羣臣奏曰未踰年而

改元非禮也

古禮君薨世子即位既踰年而後稱元年

生怒窮推議主得右

僕射段純殺之

秋七月以吏部尚書周閔為左僕射

或告會稽王昱曰

會工外翻

武陵王第中大修噐仗將謀非

常

武陵王晞也

昱以告太常王彪之彪之曰武陵王之志盡

於馳騁畋獵而已耳

騁丑郢翻

深願靜之以安異同之論勿

復以為言昱善之

為武陵終以此得禍彪之所不能救張本復扶又翻

秦主生

尊母彊氏曰皇太后立妃梁氏為皇后梁氏安之女也

以其嬖臣太子門大夫南安趙韶為右僕射

續漢志太子門大夫

二人職比郎將嬖卑義翻又博計翻

太子舍人趙誨為中護軍著作郎董

榮為尚書

凉王祚淫虐無道上下怨憤祚惡河州刺

史張瓘之彊

張駿置河州治枹罕惡烏路翻

遣張掖太守索孚代瓘守

枹罕

索昔各翻枹音膚

使瓘討叛胡又遣其將易揣張玲帥步

騎萬三千以襲瓘

將即亮翻易讀如字姓也揣初委翻玲盧經翻帥讀曰率騎奇寄翻

張

掖人王鷲知術數言於祚曰此軍出必不還凉國將危

并陳祚三不道祚大怒以鸞為詆言

詆言 鸞於斬以狗鸞臨

刑曰我死軍敗於外王死於內必矣祚族滅之瓘聞之

斬孚起兵擊祚傳檄州郡廢祚以侯還第復立涼寧侯

曜靈

曜靈廢見上卷上年

易揣張玲軍始濟河瓘擊破之揣等單

騎奔還瓘軍躡之姑臧振恐驍騎將軍敦煌宋混兄修

與祚有隙懼禍

曉堅堯翻敦徒門翻

八月混與弟澄西走合衆萬

餘人以應瓘還向姑臧祚遣楊秋胡將曜靈於東苑拉

其胥而殺之

將如字拉

埋於沙阮謚曰哀公

秦主生

封衛大將軍黃眉為廣平王前將軍飛為新興王皆素

所善也徵大司馬武都王安領太尉

健臨沒以安督中外諸軍然尚在蒲

阪今生乃名之以晉王柳為征東大將軍并州牧鎮蒲阪

阪音反

魏王庾為鎮東大將軍豫州牧鎮陝城

庾疎鳩翻陝失丹翻

中書

監胡文中書令王魚言於生曰比有星孛于大角熒惑

入東井大角帝坐東井秦分

天文志大角在攝提間大角者天王坐也東井八星

東井與鬼秦雍州分比毗至翻孛蒲內翻坐狙臥翻分扶問翻

於占不出三年國有大

喪大臣戮死願陛下修德以禳之生曰皇后與朕對臨

天下可以應大喪矣毛太傅梁車騎梁僕射受遺輔政
可以應大臣矣九月生殺梁后及毛貴梁撈梁安貴后
之舅也右僕射趙韶中護軍趙誨皆洛州刺史俱之從

弟也

趙俱鎮宜陽事見上
卷上年從才用翻

有寵於生乃以俱為尚書令

俱固辭以疾謂韶誨曰汝等不復顧祖宗

復扶
又翻

欲為滅

門之事毛梁何罪而誅之吾何功而代之汝等可自為

吾其死矣遂以憂卒

卒子
恤翻

涼宋混軍于武始大澤

張駿

分狄道縣立武始郡宋混西走起兵必不東向狄道水
經都野澤在武威縣東北注云在姑臧城北三百里都

野即禹貢之豬野其水上水
姑臧武始澤澤在姑臧西

為曜靈發哀

偽翻

為于閏月混

軍至姑臧涼王祚收張瓘弟琚及子嵩將殺之琚嵩聞
之募市人數百揚言張祚無道我兄大軍已至城東敢

舉手者誅三族遂開西門納混兵領軍將軍趙長等懼

罪

趙長請立祚者也故懼罪

入閣呼張重華母馬氏出殿立涼武侯

玄靚為主

靚疾郢翻又疾正翻

易揣等引兵入殿收長等殺之祚

案劔殿上大呼叱左右力戰

呼火故翻

祚素失衆心莫肯為

之鬪者

偽翻

遂為兵人所殺混等梟其首

梟堅亮翻

宣示中

外暴尸道左城內咸稱萬歲以庶人禮葬之并殺其二

子混琚上玄靚為大將軍涼州牧西平公

上時掌翻

赦境內

復稱建興四十三年

張祚改建興年號見上卷上年

時玄靚始七歲張

瓘至姑臧推玄靚為涼王自為使持節都督中外諸軍

事尚書令涼州牧張掖郡公

使疏吏翻

以宋混為尚書僕射

隴西人李儼據郡不受瓘命用江東年號

用永和年號也

衆多

歸之

為李儼歸秦張本

瓘遣其將牛霸討之

將即亮翻

未至西平人

衛緄亦據郡叛

緄丑林翻

霸兵潰奔還瓘遣弟琚擊緄敗之

敗補
邁翻

酒泉太守馬基起兵以應緄瓘遣司馬張姚王國

擊斬之

冬十月以豫州刺史謝尚督并冀幽三州

時江

左僑立青冀并
幽四州於江北

鎮壽春

南渡初祖逖以豫州刺史治譙
城永昌元年祖約退屯壽春成

帝咸和四年庾亮以豫州刺史治蕪湖咸康四年毛寶
以豫州刺史治邾城六年庾翼以豫州刺史治蕪湖永
和元年趙盾以豫州刺史治牛渚二年尚以豫州刺史
治蕪湖今進壽春皆建康西藩也進取則屯壽春守江
則多在歷陽

鎮北將軍段龕與燕主雋書抗中表之

儀

雋段氏出也故龕與之抗
中表之儀龕苦含翻下同

非其稱帝雋怒十一月以

太原王恪為大都督撫軍將軍陽騫副之以擊龕

騫音
務

秦以辛牢守尚書令趙韶為左僕射尚書董榮為右

僕射中護軍趙誨為司隸校尉 十二月高句麗王釗

遣使詣燕納質修貢以請其母

句如字又音駒麗力知
翻燕因釗母見九十七

卷成帝咸康
八年質音致

燕主雋許之遣殿中將軍刁龕送釗母周

氏歸其國以釗為征東大將軍營州刺史封樂浪公

樂浪

音洛
琅

王如故

使為高句
麗王如故

上黨人馮騫逐燕太守段剛

據安民城

魏收地形志燕上黨太守治安民城
在襄垣縣蓋永嘉中劉琨遣張衡所築以安

上黨之民
因以為名

自稱太守遣使來降

使疏吏翻
降戶江翻

秦丞相雷

弱兒性剛直以趙韶董榮亂政每公言於朝

朝直遠翻

見之

常切齒韶榮譖之於秦主生生殺弱兒及其九子二十

七孫於是諸羗皆有離心

雷弱兒南安羗酋也以非罪而死故諸羗皆有離心

生

雖諒陰遊飲自若彎弓露刃以見朝臣錘鉗鋸鑿

錘鉗鋸鑿追翻

鉗其廉翻鋸居御翻

可以害人之具備置左右即位未幾

幾居豈翻

后

妃公卿已下至於僕隸凡殺五百餘人截脰拉脅鋸項

剗胎者比比有之

脰形定翻膝下骨直而長者拉盧合翻比簿必翻

燕主雋

以段龕方彊謂太原王恪曰若龕遣軍拒河不得渡者

可直取呂護而還

呂護時據夏王

恪分遣輕軍先至河上具舟

楫以觀龕志趣龕弟罷驍勇有智謀

曉堅堯翻

言於龕曰慕

容恪善用兵加之衆盛若聽其濟河進至城下恐雖乞

降不可得也

降戶江翻下同

請兄固守罷帥精銳拒之於河幸

而戰捷兄帥大衆繼之

帥讀曰率下同

必有大功若其不捷不

若早降猶不失為千戶侯也龕不從罷固請不已龕怒

殺之

十二年春正月燕太原王恪引兵濟河未至廣固百餘

里段龕帥衆三萬逆戰丙申恪大破龕於湓水

據載記恪破龕

於濟水之南今言未至廣固百餘里蓋在湓水而會戰也水經濁水逕廣固城西東流至廣饒入巨淀又比合

于湓水

執其弟欽斬右長史袁範等齊王友辟閭蔚被創

段龕自稱齊王故置王友之官蔚紆勿翻創初良翻

恪聞其賢遣人求之蔚已死

士卒降者數千人龕脫走還城固守恪進軍圍之秦

司空王墮性剛峻右僕射董榮侍中強國皆以佞幸進

墮疾之如讐每朝見榮未嘗與之言

每朝句絕朝直遙翻見如字

或

謂墮曰董君貴幸無比公宜小降意接之墮曰董龍是

何難狗

龍董榮
小字

而令國士與之言乎會有天變榮與強

國言於秦主生曰

強其兩
翻姓也

今天譴甚重宜以貴臣應之

生曰貴臣惟有大司馬及司空耳榮曰大司馬國之懿

親不可殺也

大司馬謂武都
王安生叔父也

乃殺王墮將刑榮謂之曰

今日復敢比董龍於雞狗乎

復扶
又翻

墮瞋目叱之

瞋七
人翻洛

州刺史杜郁墮之甥也左僕射趙韶惡之

惡烏
路翻

譖於生

以為貳於晉而殺之壬戌生宴羣臣於太極殿以尚書

令辛牢為酒監酒酣生怒曰何不彊人酒而猶有坐者

監古暫翻
強其兩翻

引弓射牢殺之

射而亦翻

羣臣懼莫敢不醉偃仆

失冠生乃悅匈奴大人劉務桓卒弟閼頭立將貳於代

二月代王什翼犍引兵西巡臨河閼頭懼請降

犍居言翻閼於

葛翻降戶
江翻下同

燕太原王恪招撫段龕諸城

恪國廣固未下
故先招撫其統

城內諸

已丑龕所署徐州刺史陽都公王騰舉衆降恪命

騰以故職還屯陽都

段龕置徐州於琅邪陽都縣杜佑
曰漢陽都縣故城在沂州沂水縣

南

秦征東大將軍晉王柳遣參軍閻負梁殊使於涼

以書說涼王玄靚

使疏吏翻下同說翰芮翻

負殊至姑臧張瓘見之

曰我晉臣也臣無境外之交二君何以來辱負殊曰晉

王與君隣藩雖山河阻絕風通道會

秦使苻柳鎮蒲阪非與涼州鄰也故

以風通道會為言

故來修好

好呼到翻下同

君何怪焉瓘曰吾盡忠事

晉於今六世矣

軌寔茂駿重華曜靈祚為七世今言六世斥祚不以為世數

若與苻

征東通使是上違先君之志下隳士民之節其可乎負

殊曰晉室衰微墜失天命固已久矣是以涼之二王北

面二趙唯知機也

張茂稱藩於前趙張駿稱藩於後趙

今大秦威德方盛

涼王若欲自帝河右則非秦之敵欲以小事大則曷若

捨晉事秦長保福祿乎瓘曰中州好食言

好呼到翻

嚮者石

氏使車適返而戎騎已至

使疏吏翻永和二年張重華嗣位遣使奉章於石虎虎繼

遣王擢來寇騎奇寄翻

吾不敢信也負殊曰自古帝王居中州者

政化各殊趙為奸詐秦敦信義豈得一槩待之乎

槩所

斗斛一槩待之言無所高下也

張先楊初皆阻兵不服先帝討而擒之

擒張先見九十八卷六年未嘗擒揚初也負殊姑為是言耳

赦其罪戾寵以爵秩固

非石氏之比也瓘曰必如君言秦之威德無敵何不先

取江南則天下盡為秦有征東何辱命焉負殊曰江南

文身之俗

古者荆蠻之俗斷髮文身以避蛟龍之害負殊以此斥言之耳是時衣冠文物皆在江南

且正朔所在也負殊吠堯刺由知各為其主而已

道汚先叛化隆後服

鄭玄曰汚猶殺

也易曰高宗伐鬼方三年克之世之說者以為荆楚輕悍道汚先叛化隆後服故負殊亦以此斥言江南主

上以為江南必須兵服河右可以義懷故遣行人先申

大好

好呼到翻

若君不達天命則江南得延數年之命而河

右恐非君之土也瓘曰我跨據三州

三州謂涼河沙張茂及張駿所分置

也者帶甲十萬西苞蔥嶺東距大河伐人有餘况於自守

何畏於秦負殊曰貴州山河之固孰若穀函民物之饒

孰若秦雍

雍於用翻

杜洪張琚因趙氏成資兵彊財富有囊

括關中席卷四海之志先帝戎旗西指冰消雲散旬月

之間不覺易主

事見九十八卷六年

主上若以貴州不服赫然奮

怒控弦百萬鼓行而西未知貴州將何以待之瓘笑曰

茲事當決之於王非身所了

了決也

負殊曰涼王雖英睿

夙成然年在幼冲君居伊霍之任國家安危繫君一舉

耳瓘懼乃以玄靚之命遣使稱藩於秦秦因玄靚所稱

官爵而授之將軍劉度攻秦青州刺史王朗於盧氏

盧氏縣漢屬弘農郡晉屬上洛郡唐屬虢州

燕將軍慕容興長卿入軹關攻秦

幽州刺史彊哲于裴氏堡

永嘉之亂裴氏舉宗據險築堡以自守後人因而置屯戍

故堡猶有裴氏之名蓋在河東界長知兩翻

秦主生遣前將軍新興王飛拒

度建節將軍鄧羌拒長卿飛未至而度退羌與長卿戰

大破之獲長卿及甲首二千餘級桓溫請移都洛陽

修復園陵章十餘上

上時掌翻

不許拜溫征討大都督督司

冀二州諸軍事以討姚襄三月秦主生發三輔民治

渭橋

治直之翻

金紫光祿大夫程肱諫以為妨農生殺之

夏四月長安大風發屋拔木

風捲屋瓦掀
簷櫓為發屋

秦宮中驚擾

或稱賊至宮門晝閉五日乃止秦主生推告賊者剗出

其心左光祿大夫強平諫曰天降災異陛下當愛民事

神緩刑崇德以應之乃可弭也

弭止也

生怒鑿其頂而殺

之衛將軍廣平王黃眉前將軍新興王飛建節將軍鄧

羌以平太后之弟叩頭固諫生弗聽出黃眉為左馮翊

飛為右扶風羌行咸陽太守

前漢扶風渭城縣秦之咸陽也後漢晉省魏收地形

志咸陽郡治石安縣即漢渭城也石勒更名是郡益永嘉之後羣胡所置也

猶惜其驍勇故

皆弗殺

魏堅
亮翻

五月太后彊氏以憂恨卒諡曰明德姚

襄自許昌攻周成于洛陽

周城襲據洛陽
見上卷十年

六月秦主

生下詔曰朕受皇天之命君臨萬邦嗣統以來有何不

善而謗讟之音扇滿天下

杜預曰讟誹
也讟徒木翻

殺不過千而謂

之殘虐行者比肩未足為希

希少也

方當峻刑極罰復如

朕何

復扶
又翻

自去春以來潼關之西至於長安虎狼為暴

晝則繼道

言虎狼相繼於路
也繼蜀本作斷

夜則發屋不食六畜

畜許
又翻

專務食人凡殺七百餘人民廢耕桑相聚邑居而為害

不息秋七月秦羣臣奏請禳災

禳如羊翻除殃祭也

生曰野獸飢

則食人飽當自止何禳之有且天豈不愛民哉正以犯

罪者多故助朕殺之耳

史言苻生之虐甚於桀紂

丙子燕獻懷太

子曄卒

姚襄攻洛陽踰月不克長史王亮諫曰明公

英名蓋世兵彊民附今頓兵堅城之下力屈威挫或為

它寇所乘此危亡之道也襄不從桓溫自江陵北伐遣

督護高武據魯陽輔國將軍戴施屯河上自帥大兵繼

進

帥讀曰率下同

與寮屬登平乘樓

平乘樓大船之樓

望中原歎曰遂

使神州陸沉百年丘墟王夷甫諸人不得不任其責

王以

行等尚清談而不恤王事以致夷狄亂華也

記室陳郡袁宏曰

晉諸公諸從公府皆有記

室掌表疏賤記書檄

運有興廢豈必諸人之過溫作色曰昔劉景

升有千斤大牛噉芻豆十倍於常牛負重致遠曾不若

一羸犗

溫意以牛況宏徒能糜俸祿而無經世之用劉表字景升噉徒濫翻又徒覽翻羸倫為翻犗疾

置翻牝牛也

魏武入荊州

漢獻帝建安十三年曹操入荊州

殺以享軍八月

已亥溫至伊水

伊水在洛陽城南

姚襄撤圍拒之匿精銳於水

北林中遣使謂溫曰承親帥王師以來襄今奉身歸命

願敕三軍小却當拜伏道左溫曰我自開復中原展敬

山陵無豫君事欲來者便前相見在近無煩使人

使疏吏翻

襄拒水而戰溫結陳而前

陳讀曰陣

親被甲督戰

被皮義翻

襄衆

大敗死者數千人襄帥麾下數千騎奔于洛陽北山

洛陽

北山北芒山也騎奇寄翻

其夜民弃妻子隨襄者五千餘人襄勇而

愛人雖戰屢敗民知襄所在輒扶老携幼奔馳而赴之

溫軍中傳言襄病創已死

創初良翻

許洛士民為溫所得者

無不北望而泣

史言姚襄得人心

襄西走溫追之不及弘農楊

亮自襄所來奔溫問襄之為人亮曰襄神明器宇孫策

之儔而雄武過之

儔等也類也

周成率衆出降

降戶江翻下同

溫屯

故太極殿前既而徙屯金墉城己丑謁諸陵有毀壞者

修復之各置陵令

漢起陵邑邑各置令後遂因之諸陵各置陵令屬太常

表鎮西

將軍謝尚都督司州諸軍事鎮洛陽以尚未至留潁川

太守毛穆之督護陳午河南太守戴施以二千人戍洛

陽衛山陵徙降民三千餘家於江漢之間執周成以歸

姚襄奔平陽秦并州刺史尹赤復以衆降襄

尹赤叛襄見上卷八

年襄遂據襄陵

襄陵縣漢屬河東郡晉屬平陽郡後魏改襄陵為禽昌縣隋唐復曰襄陵秦

大將軍張平擊之

永和七年張平降秦已而二於燕通鑑以秦所授官繫之襄為平

所敗

敗補邁翻

乃與平約為兄弟各罷兵

段龕遣其屬段

諶來求救

諶粉翻

詔徐州刺史荀美將兵隨諶救之美至

琅邪

此古琅邪也

憚燕兵之強不敢進王騰寇鄆城

鄆城縣漢屬東

郡晉屬濮陽此非古鄆城縣蓋僞縣也

美進攻陽都會霖雨城壞獲騰斬

之

段龕署王騰為徐州刺史屯陽都時降于燕為燕來寇

冬十月癸巳朔日有

食之

秦主生夜食棗多旦而有疾召太醫令程延使

診之

診止尹翻
候脉也

延曰陛下無它疾食棗多耳生怒曰汝

非聖人安知吾食棗遂斬之

燕大司馬恪圍段龕於

廣固諸將請急攻之恪曰用兵之勢有宜緩者有宜急

者不可不察若彼我勢敵外有強援恐有腹背之患則

攻之不可不急若我強彼弱無援於外力足制之者當

羈縻守之以待其斃兵法十圍五攻正謂此也

孫子曰
用兵之

法十則圍之
五則攻之

龕兵尚衆未有離心濟南之戰

即淄水之
戰曰濟南

者以濟水南
北大界言之

非不銳也但龕用之無術以取敗耳今憑

阻堅城上下戮力我盡銳攻之計數日可拔然殺吾士

卒必多矣自有事中原兵不暫息

暫與同

吾每念之夜而

忘寐奈何輕用其死乎要在取之不必求功之速也諸

將皆曰非所及也軍中聞之人人感悅於是為高牆深

塹以守之

塹七
艷翻

齊人爭運糧以饋燕軍龕嬰城自守樵

采路絕城中人相食龕悉衆出戰恪破之於圍裏

時外
築長

圍故戰
於圍裏

先分騎屯諸門

屯廣固城諸門
也騎奇寄翻

龕身自衝盪

盪
徒

朗翻又
他浪翻

僅而得入餘兵皆沒於是城中氣沮莫有固志

沮在
呂翻

十一月丙子龕面縛出降并執朱禿送薊

降戶江
翻薊音

計恪撫安新民悉定齊地徙鮮卑胡羯三千餘戶于薊

燕主雋具朱禿五刑

朱禿殺慕容鈞而
奔龕見上卷十年

以段龕為伏順

將軍恪留慕容塵鎮廣固以尚書左丞鞠殷為東萊太

守章武太守鮮于亮為齊郡太守乃還殷彭之子也彭

時為燕大長秋以書戒殷曰王彌曹嶷必有子孫

嶷魚
力翻

汝善招撫勿尋舊怨以長亂源

長知
兩翻

殷推求得彌從子

立嶷孫巖於山中請與相見深結意分

從才用翻下
同分扶問翻

彭

復遣使遺以車馬衣服

復扶又翻
遺于季翻

郡民由是大和

自東

某歸燕見九十一
卷元帝大興二年

荀羨聞龕已敗退還下邳留將軍諸

葛攸高平太守劉莊將三千人守琅邪參軍譙國戴遂

等將二千人守泰山

揚正衡曰
遼音遁

燕將慕容蘭屯汴城

汴城

即浚儀城余謂汴當作卞魯國卞縣城
也劉昫曰兗州泗水縣卞縣古城也

羨擊斬之

詔

遣兼司空散騎常侍車灌等持節如洛陽修五陵

宣帝
陵在

河陰首陽山景帝陵曰峻平文帝陵曰崇陽武帝陵曰
峻陽惠帝陵曰太陽散悉亶翻騎奇寄翻車尺屠翻

十二月庚戌帝及羣臣皆服總臨於太極殿三日

總十
五升

布拙去其半
臨力鵠翻

司州都督謝尚以疾不行以丹陽尹王

胡之代之胡之廙之子也

王廙王敦之從弟見八十九卷
愍帝建興三年廙羊至翻

又逸
職翻

是歲仇池公楊國從父俊殺國自立以俊為仇

池公國子安奔秦

其後秦用楊安以取
仇池豈即國之子邪

升平元年春正月壬戌朔帝加元服太后詔歸政大赦

改元太后徙居崇德宮 燕主雋徵幽州刺史乙逸為

左光祿大夫逸夫婦共載鹿車子璋從數十騎服飾甚

麗奉迎於道逸大怒閉車不與言到城深責之

到城謂
到薊城

也永和八年燕王都薊於龍城置留臺以乙逸
領留務蓋以幽州刺史鎮龍城也騎奇寄翻 璋猶不

俊

俊丑緣
翻下同

逸常憂其敗而璋更被擢任歷中書令御史

中丞

被皮
義翻

逸乃歎曰吾少自修立

少詩
照翻

克已守道僅能

免罪璋不治節儉專為奢縱

治直
之翻

而更居清顯此豈惟

璋之忝幸實時世之陵夷也

二月癸丑燕主雋立其

子中山王暉為太子大赦改元光壽

太白入東井秦

有司奏太白罰星東井秦分

分扶
問翻

必有暴兵起京師秦

主生曰太白入井自為渴耳

為于
偽翻

何所怪乎 姚襄將

圖關中夏四月自北屈進屯杏城

北屈縣漢屬河東郡晉屬平陽郡師古曰

屈吾勿翻晉公子夷吾所居班志禹貢壺口山在北屈

縣東南水經注北屈西距河十里孟門山在河上襄蓋

自北屈渡河而屯杏城五代志汾州昌寧縣有壺口山

宋白曰慈州吉鄉縣漢北屈縣今縣北二十一里古城

即漢理魏收地形志澄城縣有杏城師古曰澄城漢馮

翊之徵縣也徵音懲據載記杏城在馬蘭山北杜佑曰

姚萇置杏城鎮遣輔國將軍姚蘭略地敷城敷城唐坊

在坊州西七里

是也後魏置敷城

縣隋改曰鄭城

曜武將軍姚蓋生

曜武將軍蓋趙

將軍王欽盧各將兵招納諸羌胡蘭襄之從兄

從才

生襄之兄也

胡及秦民歸之者五萬餘戶秦將苻飛

龍擊蘭擒之襄引兵進據黃落秦主生遣衛大將軍廣

平王黃眉平北將軍苻道龍驤將軍東海王堅

驤思建將翻

節將軍鄧羌

漢魏之間置建節郎將後以為將軍號

將步騎萬五千以禦

之襄堅壁不戰羌謂黃眉曰襄為桓溫張平所敗銳氣

喪矣

敗補邁翻喪息浪翻

然其為人強狠

狠戶壑翻

若鼓譟揚旗直壓

其壘彼必忿恚而出

恚於避翻

可一戰擒也五月羌帥騎三

千壓其壘門而陳

帥讀曰率騎奇寄翻陳讀曰陣

襄怒悉眾出戰羌陽

不勝而走襄追之至于三原

三原在漢馮翊池陽縣界宋白曰苻堅於嵯峨北置

三原護軍後
周置三原縣

羌迴騎擊之黃眉等以大衆繼至襄兵大

敗襄所乘駿馬曰鰲眉騮

鰲音黎又音良脂翻黑而黃色曰鰲騮古瓜翻黃馬黑喙

騮馬倒秦兵擒而斬之弟長帥其衆降

長仲良翻降戶江翻襄載

其父弋仲之柩在軍中

柩巨救翻在牀曰尸在棺曰柩

秦主生以王禮

葬弋仲於孤磐

孤磐在天水冀縣界

亦以公禮葬襄黃眉等還長

安生不之賞數衆辱黃眉

數所角翻

黃眉怒謀弑生發覺伏

誅事連王公親戚死者甚衆戊寅燕主雋遣撫軍將軍

垂中軍將軍虔護軍將軍平熙帥步騎八萬攻救勒於

塞北

新唐書曰敕勒其先匈奴也元魏時號高車部其後訛為鐵勒唐之鐵勒十五種是也載記作丁零

勒

大破之俘斬十餘萬獲馬十三萬匹牛羊億萬頭

匈奴單于賀賴頭帥部落三萬五千口降燕

自東漢以來匈奴入

居塞內者凡十九種賀賴其一也單音蟬

燕人處之代郡平舒城

漢代郡有平舒縣

海有東平舒縣東平舒後漢屬河間國晉屬章武國代郡之平舒未嘗改屬書代郡以別章武之平舒代郡之平舒當在唐蔚之北界處昌呂翻

秦主生夢大魚食蒲

苻氏本蒲家也故以夢魚

食蒲為異

又長安謠曰東海大魚化為龍男皆為王女為公

生乃誅太師錄尚書事廣寧公魚遵并其七子十孫金

紫光祿大夫牛夷懼禍求為荊州

荊州治豐陽川

生不許以

為中軍將軍引見調之曰

調徒彫翻調戲也

牛性遲重善持轅

輓

轅輶也轅前曰輓加之牛項輓音厄

雖無驥足動負百石夷曰雖服大

車未經峻壁願試重載乃知勲績

載才再翻

生笑曰何其快

也公嫌所載輕乎朕將以魚公爵位處公

處昌呂翻

夷懼歸

而自殺生飲酒無晝夜或連月不出奏事不省往往寢

落

省悉景翻落當作格音閣留止不下曰格

或醉中決事左右因以為奸賞

罰無準或至申酉乃出視朝

朝直遑翻

乘醉多所殺戮自以

眇目諱言殘缺偏隻少無不具之類誤犯而死者不可

勝數

勝音升數
所具翻

好生剝牛羊驢馬燂雞豚鷩鴨

好呼到
翻燂徐

廉翻湯淪去
其毛曰燂

縱之殿前數十為羣或剝人面皮使之歌

舞臨觀以為樂

樂音洛

嘗問左右曰自吾臨天下汝外間

何所聞或對曰聖明宰世賞罰明當

當丁浪翻

天下唯歌太

平怒曰汝媚我也引而斬之它日又問或對曰陛下刑

罰微過又怒曰汝謗我也亦斬之勳舊親戚誅之殆盡

羣臣得保一日如度十年東海王堅素有特譽

時譽者
為時人

所稱美也與故姚襄參軍薛讚權翼善讚翼密說堅曰說輸為翻

主上猜忍暴虐中外離心方今宜主秦祀者非殿下而

誰願早為計勿使他姓得之堅以問尚書呂婆樓婆樓

曰僕刀鏐上人耳

魏晉之間率以刀鏐築殺人言將為生所殺也或曰刀以鋒刃為用刀環

以上無所用之婆樓以自喻鏐戶闔翻不足以辦大事僕里舍有王猛其

人謀略不世出

不世出者言世間不常生此人

殿下宜請而咨之堅因

婆樓以招猛一見如舊友語及時事堅大悅自謂如劉

玄德之遇諸葛孔明也

見六十五卷漢獻帝建安十二年

六月太史令

康權言於秦主生曰

姓譜曰康術康叔之後亦西胡姓

昨夜三月並出

孛星入太微連東井

字蒲內翻

自去月上旬沈陰不雨以至

於今將有下人謀上之禍

此亦據洪範五行傳言之也沈持林翻

生怒以

為妖言撲殺之

妖於驕翻撲弼角翻

特進領御史中丞梁平老等

謂堅曰主上失德上下嗷嗷

嗷嗷眾口悲聲

人懷異志燕晉二

方伺隙而動

伺相吏翻

恐禍發之日家國俱亡此殿下之事

也宜早圖之堅心然之畏生趨勇未敢發

趨丘扶翻捷也

生夜

對侍婢言曰阿瀆兄弟亦不可信

阿傳讀從安入聲

明當除之

明謂明旦猶言明日也

婢以告堅及堅兄清河王濬濬與梁平老

及特進光祿大夫強汪帥壯士數百潛入雲龍門

魏明帝起

洛陽宮宮城正南門曰雲龍門苻氏據長安亦以宮城正南門為雲龍門帥讀曰率下同

堅與呂婆

樓帥麾下三百人鼓譟繼進宿衛將士皆舍仗歸堅

舍讀

捨曰生猶醉寐堅兵至生驚問左右曰此輩何人左右曰

賊也生曰何不拜之堅兵皆笑生又大言何不速拜不

拜者斬之堅兵引生置別室廢為越王尋殺之謚曰厲

王

年二十三

堅以位讓濬濬曰汝嫡嗣且賢宜立

堅母荀氏雄之元妃

故謂堅為嫡嗣

堅曰兄年長宜立

長知兩翻

堅母苟氏泣謂羣臣曰

社稷事重小兒自知不能它日有悔失在諸君羣臣皆

頓首請立堅堅乃去皇帝之號

去羌呂翻

稱大秦天王即位

於太極殿

苻堅字永固雄之子也

誅生幸臣中書監董榮左僕射

趙韶等二十餘人大赦改元永興追尊父雄為文桓皇

帝母苟氏為皇太后妃苟氏為皇后世子宏為皇太子

以清河王灋為都督中外諸軍事丞相錄尚書事東海

公諸王皆降爵為公以從祖右光祿大夫永安公侯為

太尉晉公柳為車騎大將軍尚書令

從才用翻
騎奇寄翻

封弟融

為陽平公襲為河南公子丕為長樂公

樂音洛

暉為平原

公熙為廣平公叡為鉅鹿公以漢陽李威為左僕射

李威

於堅母有辟陽之寵故擢用之

梁平老為右僕射強汪為領軍將軍呂

婆樓為司隸校尉王猛為中書侍郎融好文學

好呼明到翻

辯過人耳聞則誦過目不忘力敵百夫善騎射擊刺少

有令譽

少詩照翻

堅愛重之常與共議國事融經綜內外刑

政修明薦才揚滯補益弘多

弘大也

丕亦有文武才幹治

民斷獄皆亞於融

史言堅有弟有子如此而無救於賊亡明天之所弃非人之所能支也治

直之翻斷
丁亂翻

威苟太后之姑子也素與魏王雄友善生屢

欲殺堅賴威營救得免威得幸於苟太后堅事之如父

威知王猛之賢常勸堅以國事任之堅謂猛曰李公知

君猶鮑叔牙之知管仲也

管仲少與鮑叔牙遊鮑叔知其賢善遇之管仲曰吾始困

時與鮑叔賈分財多自與鮑叔不以我為貪知我貧也吾嘗為鮑叔謀事而更窮困鮑叔不以我為愚知時有利不利也吾嘗三仕三見逐鮑叔不以我為不肖知我不遭時也吾嘗三戰三北鮑叔不以我為怯知我有老母也公子糾敗召忽死之吾幽囚受辱鮑叔不以我為無耻知我不羞小節而耻功名不顯於天下也生我者

父母知我猛以兄事之燕主雋殺段龕阮其徒三千

餘人

龕苦含翻

秋七月秦大將軍冀州牧張平遣使請降

降戶

拜并州刺史

八月丁未立皇后何氏后故散騎

侍郎廬江何準之女也

散恙廩翻騎奇寄翻

禮如咸康而不賀

成帝

咸康二年立杜后

秦王堅以權翼為給事黃門侍郎

權翼仕秦父當

事任而卒歸姚氏料其受苻堅信用雖不為莊舄之越吟固隱之於心也

薛讚為中書侍郎

與王猛並掌機密九月追復太師魚遵等官以禮改葬

子孫存者皆隨才擢叙

張平據新興雁門西河太原

上黨上郡之地壁壘三百餘里夏十餘萬戶

壁壘蓋時遭亂離豪

望自相保聚所築者石氏用張平為并州故得有其地有其民夏戶雅翻

拜置征鎮欲與燕

秦為敵國

石氏之敗平兩附燕秦今恃其強欲與燕秦為敵國

冬十月平寇略秦

境

平蓋間秦之有內難也安知由是而敗亡乎

秦王堅以晉公柳都督并冀

州諸軍事加并州牧鎮蒲阪以禦之

十一月癸酉燕

主雋自薊徙都鄴

薊音計

秦太后苟氏遊宣明臺見東

海公灋之第門車馬輻湊恐終不利於秦王堅乃與李

威謀賜法死堅與法訣於東堂慟哭嘔血謚曰獻哀公

封其子陽為東海公敷為清河公

為後陽謀復讐張本

十二月

乙巳燕主雋入鄴宮大赦復作銅雀臺

魏武建國於鄴作銅雀臺石氏

增修之兵亂圯毀墓容都鄴復作使如舊

以太常王彪之為左僕射秦

王堅行至尚書以文案不治

治直之翻

免左丞程卓官以王

猛代之堅舉異才修廢職課農桑恤困窮禮百神立學

校旌節義繼絕世秦民大悅

史言苻堅能用王猛以治秦校戶教翻

二年春正月司徒昱稽首歸政

稽音啓

帝不許

初馮騫

既以上黨來降

見上永和十一年

又附於張平又自歸於燕既

而復叛燕

復扶又翻

二月燕司徒上庸王評討之不克秦

王堅自將討張平

將即亮翻

以鄧羌為前鋒督護帥騎五千

軍于汾上

汾水之上也師讀曰率騎奇寄翻

平使養子蚝禦之

蚝七更翻

多力趨捷

趨丘妖翻

能曳牛却走城無高下皆可超越與羌

相持旬餘莫能相勝三月堅至銅壁

河汾之間有銅川其民遇亂築壘壁

以自守因曰銅壁

平盡衆出戰蚝單馬大呼出入秦陳者四五

呼火故翻陳讀曰陣

堅募人生致之鷹揚將軍呂光刺蚝中之

刺七

亦翻中竹仲翻

鄧羌擒蚝以獻平衆大潰平懼請降

降戶江翻下同堅

拜平右將軍以蚝為虎賁中郎將

賁音奔將即亮翻下同

蚝本姓

弓

姓諧弓姓魯叔弓之後

上黨人也堅寵待甚厚常置左右秦人

稱鄧羌張蚝皆萬人敵光婆樓之子也堅徙張平部民

三千餘戶于長安

甲戌燕主雋遣領軍將軍慕輿根

將兵助司徒評攻馮騫根欲急攻之評曰騫壁堅不如

緩之根曰不然公至城下經月未嘗交鋒賊謂國家力

止於此遂相固結冀幸萬一

言騫心僥倖於萬一可以保城也

今根兵

初至形勢方振賊眾恐懼皆有離心計慮未定從而攻

之無不克者遂急攻之騫與其黨果相猜忌騫奔野王

依呂護其衆盡降 夏四月秦王堅如雍祠五時六月

如河東祠后土

用漢禮也雍於用翻時音止

秋八月豫州刺史謝

奕卒奕安之兄也司徒昱以建武將軍桓雲代之雲溫

之弟也訪於僕射王彪之彪之曰雲非不才然溫居上

流已割天下之半其弟復處西藩

東晉豫州鎮江西建康在江東故以豫州

為西藩復扶又翻處昌呂翻下同

兵權萃於一門非深根固蒂之宜人

才非可豫量

量音良

但當令不與殿下作異者耳昱領之

曰君言是也壬申以吳興太守謝萬為西中郎將監司

豫冀并四州諸軍事豫州刺史

司豫冀并所統皆
僑郡也監工銜翻王羲

之與桓溫牋曰謝萬才流經通

言其才具可以經世於
時人流輩中為通達也

使之處廊廟固是後來之秀今以之俯順荒餘近是違

才易務矣

言邊郡兵民皆兵荒之餘彫瘵未蘇而猶悍
難調當俯就而柔順之今萬非其才而用之

則為違才務事也以萬之才可以處廊廟而
使之處邊鄙則為易事處昌呂翻近其新翻又遺萬書

曰遺手以君邁往不屑之韻而俯同羣碎誠難為意也

李翻

言其矜高不屑
軍中之細務也然所謂通識正當隨事行藏耳願君每

與士卒之下者同甘苦則盡善矣萬不能用徐兗二州

刺史荀美有疾以御史中丞郝曇為軍司

曇徒舍翻為萬曇皆不勝

其任張本

考異曰帝起謝萬為豫州下云郝曇為北

中郎將督五州軍事徐兗二州刺史曇傳云荀美有疾

以曇為軍司項之美徵還除曇北中郎將都督刺史按

帝紀十二月北中郎將荀美及慕容雋戰于山往王師

敗績燕書十二月荀美寇泰山殺太守賈堅載記荀美

殺賈堅下云敗美復陷山往故知八月曇未為徐兗二

州恐始為

曇鑒之子也

九月庚辰秦王堅還長安以

軍司耳

太尉侯守尚書令

永安公符侯

於是秦大旱堅減膳徹樂命

后妃以下悉去羅紈

師古曰紈素今之絹也去羗呂翻

開山澤之利公

私共之息兵養民早不為災王猛曰親幸用事宗親勲
舊多疾之特進姑臧侯樊世本氐豪佐秦主健定關中
謂猛曰吾輩耕之君食之邪猛曰非徒使君耕之又將
使君炊之世大怒曰要當懸汝頭於長安城門不然吾
不處世

處昌
呂翻

猛以白堅堅曰必殺此老氐然後百寮可

肅會世入言事與猛爭論於堅前世欲起擊猛堅怒斬
之於是羣臣見猛皆屏息

屏息不敢息也氣一
出入為息屏必郢翻

趙之

亡也其將張平李歷高昌皆遣使降燕已而降晉又降

秦各受爵位欲中立以自固

李歷高昌初降晉張平降秦永和七年也八年歷昌

降秦是年又與張平俱降燕苻生死後張平又降晉各受爵位將即亮翻使疏吏翻降戶江翻燕主雋

使司徒評討張平於并州司空陽騫討高昌於東燕樂

安王臧討李歷於濮陽騫攻昌別將於黎陽不拔歷奔

滎陽其衆皆降并州壁壘百餘降於燕雋以右僕射悅

綰為并州刺史以撫之平所署征西將軍諸葛驥等帥

壁壘百三十八降於燕

驥思將翻帥讀曰率下同

雋皆復其官爵平

帥衆三千奔平陽復請降於燕

復扶又翻

冬十月泰山太

守諸葛攸攻燕東郡入武陽

後漢東郡治東武陽武帝咸康二年封子允以東不

可為國名而東郡有濮陽縣改曰濮陽國允改封淮南還曰東郡趙王倫篡位廢太孫臧為濮陽王東郡遂名濮陽此蓋燕復名東郡晉志武陽縣分屬陽平郡劉昫曰魏州朝城縣隋武陽縣地天寶七年更名

燕主

雋遣大司馬恪統陽驁及樂安王臧之兵以擊之攸敗

走還泰山恪遂渡河略地河南分置守宰燕主雋欲

經營秦晉十二月令州郡校實見丁

校實檢校其實數也見賢遍反戶

留一丁餘悉發為兵欲使步卒滿一百五十萬期來春

大集洛陽武邑劉貴上書極陳百姓彫弊發兵非法

法未

有戶留一丁而必致土崩之變雋善之乃更令三五發
悉發為兵者

兵寬其期日以來冬集鄴時燕調發繁數
調徒弔翻數所角翻官

司各遣使者道路旁午郡縣苦之太尉領中書監封奕

請自今非軍期嚴急不得遣使
使疏吏翻自餘賦發皆責成

州郡其羣司所遣彈督在外者一切攝還
攝收也追也雋從

之燕泰山太守賈堅屯山莊
山莊即前漢之莊縣屬泰山郡後漢改曰山莊

莊仕疑翻荀羨引兵擊之堅所將纔七百餘人
將即亮翻羨兵十

倍於堅堅將出戰諸將皆曰衆少不如固守
少詩召翻堅曰

固守亦不能免不如戰也遂出戰身先士卒

先悲薦翻

殺美

兵千餘人復還入城

復扶又翻下同

美進攻之堅歎曰吾自結

髮志立功名而每值窮阨豈非命乎

堅欲折其鋒使美懼而退耳美進攻

之堅計窮矣

與其屈辱而生不若守節而死乃謂將士曰今

危困計無所設卿等可去吾將止死將士皆泣曰府君

不出衆亦俱死耳乃扶堅上馬堅曰我如欲逃必不相

遣今當為卿曹決鬪

為于偽翻

若勢不能支卿等可趣去

趣讀

促曰勿復顧我也乃開門直出美兵四集堅立馬橋上左

右射之

射而亦翻

皆應弦而倒美兵衆多從塹下斫橋堅人

馬俱陷生擒之遂拔山荏

塹七艷翻

美謂堅曰君父祖世為

晉臣奈何肯本不降

背蒲妹翻降戶江翻下同

堅曰晉自弃中華非

吾叛也

堅發此言江東將相其愧多矣

民既無主強則託命既已事人

安可改節吾東脩自立

謂從師就學便有志於自立朱子曰脩脯也十脰為東古者從

師必以東脩為禮

涉趙歷燕未嘗易志

堅不降燕見九十八卷永和七年

君何

怒怒相謂降乎美復責之

復扶又翻

堅怒曰豎子兒女御乃

公

自稱為乃公慢美而孩視之也曰御者言若駕御兒女然

美怒執置雨中數日堅

憤惋而卒

惋鳥貫翻

燕青州刺史慕容塵遣司馬悅明救泰

山羨兵大敗燕復取山往燕主雋以賈堅子活為任城

太守

任音壬

荀羨疾篤徵還以郝曇為北中郎將都督徐

兗青冀幽五州諸軍事

五州惟徐州有實土郝丑之翻曇徒含翻

徐兗二州

刺史鎮下邳燕吳王垂娶段末極女生子令寶段氏

才高姓烈自以貴姓

段與慕容本抗衡之國故自以為貴姓

不尊事可足

渾后可足渾氏銜之燕主雋素不快於垂

事見上卷永和十年

中

常侍涅皓

涅乃結翻姓也

因希旨告段氏及吳國典書令遼東

高弼為巫蠱欲以連汙垂

晉制王國置典書典祠學官令慕容氏因之典書令天朝

吏部尚書之職齊王攸傳國相上長吏缺典書令請求差選是也西晉典書令在常侍侍郎上及渡江則侍郎

次常侍而典書令居三卿下汙烏故翻

雋收段氏及弼下大長秋廷尉考

驗

下遐稼翻

段氏及弼志氣確然終無撓辭掠治日急

撓奴教翻

掠音亮治直之翻

垂慙之私使人謂段氏曰人生會當一死何

堪楚毒如此不若引服

引服自引而誣服也

段氏歎曰吾豈愛死

者耶若自誣以惡逆上辱祖宗下累於王

累力瑞翻

固不為

也辯答益明故垂得免禍而段氏竟死於獄中出垂為

平州刺史鎮遼東垂以段氏女弟為繼室可足渾氏黜

之以其妹長安君妻垂垂不悅由是益惡之

為慕容垂出奔張本

妻七細翻
惡烏路翻

匈奴劉閼頭部落多叛懼而東走乘冰渡

河半度而冰解後眾悉歸劉悉勿祈閼頭奔代

代在北河之東

閼於馬翻
又於葛翻

悉勿祈務桓之子也

務桓卒見本卷
永和十二年

三年春二月燕主雋立子泓為濟北王

禮子

冲為中山

王 燕人殺段勤勤弟思來奔

段勤降燕見上
卷永和八年

燕主

雋宴羣臣于蒲池

蒲池在鄴

語及周太子晉

周靈王之太子
曰晉慧而早卒

國語諫壅穀洛者即晉也晉既卒弟貴立是為景王景王崩而子朝子丐爭立周遂以亂潛然流涕

曰潛所奸翻才子難得自景先之亡燕太子暉字景先吾鬢髮中白

毛晃曰中直衆翻半也卿等謂景先何如司徒左長史李績對曰

獻懷太子之在東宮暉諡曰獻懷臣為中庶子晉志曰太子中庶子職如

侍中太子志業敢不知之太子大德有八至孝一也聰敏

二也沈毅三也疾謏喜直四也沈持林翻喜許記翻好學五也多

藝六也謙恭七也好施八也好呼到翻施式鼓翻雋曰卿譽之雖

過譽音余然此兒在吾死無憂矣景茂何如燕太子暉字景茂時

太子暉侍側續曰皇太子天資岐嶷

岐魚力翻毛莖曰岐知意也嶷識也

雖八德已聞而二闕未補好遊畋而樂絲竹

樂五教翻此其

所以損也雋顧謂暉曰伯陽之言藥石之惠也

李續字伯陽

汝宜誠之暉甚不平

為李續以憂卒張本

雋夢趙王虎齧其臂

魚齧

結翻乃發虎墓求尸不獲購以百金鄴女子李菟知而告

之

菟同都翻

得尸於東明觀下

水經注洹水東北流逕鄴城南又更分為二水北逕東明

觀下觀古玩翻

僵而不腐雋跼而罵之曰

僵居良翻跼與踏同

死胡何敢

怖生天子數其殘暴之罪而鞭之投於漳水尸倚橋柱

不流

水經注潭水逕紫陌西趙建武十一年造紫陌浮橋慕容高投石虎尸處也師普布翻數所具翻

及秦滅燕王猛為之誅李萑收而葬之

史終言之為于偽翻

秦

平羌護軍高離據略陽叛永安威公侯討之未克而卒

夏四月驍騎將軍鄧羌

驍堅亮翻

秦州刺史啖鐵討平之

啖徒

亮翻氏姓也

匈奴劉悉勿祈卒弟衛辰殺其子而代之

五月秦王堅如河東六月大赦改元甘露涼州牧張

瓘猜忌苛虐專以愛憎為賞罰郎中殷郃諫之

郃須瓘倫翻

曰虎生三日自能食肉不須人教也由是人情不附輔

國將軍宋混性忠鯁瑾憚之欲殺混及弟澄因廢涼王

玄靚而代之

靚疾正翻又疾郢翻

徵兵數萬集姑臧混知之與澄

帥壯士楊和等四十餘騎奄入南城

王隱晉書曰涼州城有龍形故曰臥

龍城南北七里東西二里本匈奴所築後張氏世居之又增築四城箱各千步并舊城為五又據張駿傳駿於姑臧城南築作五殿四面各依方色四時通居之則南城張氏所居也帥讀曰率騎奇寄翻

宣告諸

營曰張瑾謀逆被太后令誅之

被皮義翻

俄而衆至二千瑾

帥衆出戰混擊破之瑾麾下玄臚刺混不能穿甲

玄姓也風

俗通古諸侯有玄都國臚陵如翻刺七亦翻下同

混擒之瑾衆悉降

降戶江翻

瑾與

弟琚皆自殺混夷其宗族玄靚以混為使持節都督中

外諸軍事驃騎大將軍酒泉郡侯代瓘輔政

驃匹妙翻

混乃

請玄靚去涼王之號

張非始稱涼王見九十九卷永和十年張瓘推玄靚為涼王見上十

一年去羌呂翻

復稱涼州牧混謂玄臚曰卿刺我幸而不傷今

我輔政卿其懼乎臚曰臚受瓘恩惟恨刺節下不深耳

竊無所懼混義之任為心膂高昌不能拒燕秋七月

自白馬奔榮陽秦王堅自河東還以驍騎將軍鄧羌

為御史中丞

駢堅亮翻

八月以咸陽內史王猛為侍中中書

令領京兆尹特進光祿大夫強德太后之弟也

強太后
泰主健

之后

酗酒豪橫

酤吁句翻孔安國曰以酒為凶曰酤費
公彦曰據字酒菊為凶是因酒為凶者

也橫
孟翻

掠人財貨子女為百姓患猛下車收德奏未及

報已陳尸於市堅馳使赦之不及與鄧羌同志疾惡糾

案無所顧忌數旬之間摧豪貴滅殺戮刑免者二十餘

人朝廷震栗奸猾屏氣

屏必
鄧翻

路不拾遺堅歎曰吾始今

知天下之有灋也 泰山太守諸葛攸將水陸二萬擊

燕

將即亮
翻下同

入自石門屯于河渚燕上庸王評長樂太守

傅顏帥步騎五萬與攸戰于東阿攸兵大敗

樂音洛帥讀曰率騎

奇寄翻

冬十月詔謝萬軍下蔡邠雲軍高平以擊燕萬矜

豪傲物但以嘯詠自高未嘗撫衆兄安深憂之謂萬曰

汝為元帥

帥所類翻下同

宜數接對諸將以悅其心

數所角翻

豈有

傲誕如此而能濟事也萬乃召集諸將一無所言直以

如意指四坐云諸將皆勁卒諸將益恨之

如意鐵如意也坐徂臥翻

凡奮身行伍者以兵與卒為諱既為將矣而稱之為卒所以益恨也

安慮萬不免乃自隊

帥以下無不親造厚相親託

造七到翻晉史言安性遲緩而為其弟慮乃周密如

此宜其能為晉室內消桓
溫之變外破苻秦之師也
既而萬帥衆入渦潁以援洛

陽渦水至山桑入淮潁水至下蔡入淮
謝尚之兵自下蔡而入渦潁之間
郗曇以病退屯

彭城萬以為燕兵大盛故曇退即引兵還衆遂驚潰進

易退師難是以善將者欲退師必廣為方畧而後
引退不唯防敵人之追截亦慮已衆之驚潰也
萬狼

狽單歸軍士欲因其敗而圖之以安故而止既至詔廢

萬為庶人降曇號建武將軍於是許昌潁川譙沛諸城

相次皆沒於燕
秦王堅以王猛為吏部尚書尋遷太

子詹事十一月為左僕射餘官如故
十二月封武陵

王晞子璿為梁王

璿與璿同音津

大旱

辛酉燕主雋寢疾

謂大司馬太原王恪曰吾病必不濟今二方未平

二方謂晉

秦也景茂冲幼國家多難吾欲效宋宣公以社稷屬汝

難乃

旦翻宋宣公舍其子與事而立其弟穆公屬之欲翻

何如恪曰太子雖幼勝殘致

治之主也

勝音升治直之翻

臣實何人敢干正統雋怒曰兄弟

之間豈虛飾邪恪曰陛下若以臣能荷天下之任者豈

不能輔少主乎

荷下可翻少詩照翻

雋喜曰汝能為周公吾復何

憂

復扶又翻

李績清方忠亮汝善遇之

關

召吳王垂

還鄴

自遼東召還也

秦王堅以王猛為輔國將軍司隸校尉

居中宿衛僕射詹事侍中中書令領選如故

選須絹翻

猛上

疏辭讓因薦散騎常侍陽平公融光祿散騎西河任羣

光祿散騎以光祿大夫為散騎常侍也散悉重翻騎寄翻任音壬

處士京兆朱彤自代

處昌呂翻

堅不許而以融為侍中中書監左僕射任羣為光

祿大夫領太子家令

晉志曰太子家令主刑獄殺貨飲食職比司農少府

朱彤為

尚書侍郎領太子庶子

漢制尚書有侍郎三十六人尚書郎初從三署詣臺試守尚書

郎中歲滿稱尚書郎三年稱侍郎晉志曰庶子職比散騎常侍中書監令朱彤當作朱彤

猛時年三

十六歲中五遷

猛自尚書左丞遷咸陽內史又遷侍中中書令領京兆尹又遷吏部尚書尋遷

太子詹事為左僕射及今凡五遷

權傾内外人有毀之者堅輒罪之於

是羣臣莫敢復言

復扶又翻

以左僕射李威領護軍右僕射

梁平老為使持節都督北垂諸軍事鎮北大將軍戍朔

方之西

使疏更翻

丞相司馬賈雍為雲中護軍戍雲中之南

燕所徵郡國兵悉集鄴城

去年所徵今乃悉集

資治通鑑卷一百

欽定四庫全書

資治通鑑卷一百一

宋 司馬光 撰

胡三省 音註

晉紀二十三

起上章湔灘盡著
雍執徐凡九年

孝宗穆皇帝下

升平四年春正月癸巳燕主儁大閱于鄴欲使大司馬

恪司空陽鶩將之入寇

鶩音務將
卽亮翻

會疾鶩乃召恪鶩及

司徒評領軍將軍慕輿根等受遺詔輔政甲午卒

年四十二

戊子太子暉卽皇帝位

暉字景茂僞第三子按長歷是年正月甲戌朔今僞以甲午卒

則戊子在甲午前卽位恐是戊戌

年十一大赦改元建熙 秦王堅分

司隸置雍州

雍於用翻

以河南公雙爲都督雍河涼三州諸

軍事征西大將軍雍州刺史改封趙公鎮安定

河涼二州非秦

土也雙所督實土惟安定五郡耳爲雙以安定叛張本

封弟忠爲河南公 仇池

公楊俊卒子世立 二月燕人尊可足渾后爲皇太后

以太原王恪爲太宰專錄朝政

錄總也朝直遙翻

上庸王評爲

太傅陽鶩爲太保慕輿根爲太師參輔朝政

朝直遙翻下同 根

性木強

師古曰木謂質直強音其兩翻

自恃先朝勲舊

自孰以來根屢有戰功

心

不服恪舉動倨傲時太后可足渾氏頗預外事根欲爲亂乃言于恪曰今主上幼冲母后干政殿下宜防意外

之變思有以自全且定天下者殿下之功也兄亡弟及

古今成法

此殷法也非周法也

俟畢山陵宜廢主上爲王殿下自

踐尊位以爲大燕無窮之福恪曰公醉邪何言之悖也

悖蒲內翻又蒲沒翻

吾與公受先帝遺詔云何而遽有此議根愧

謝而退恪以告吳王垂垂勸恪誅之恪曰今新遭大喪

二鄰觀釁

二鄰謂晉秦也

而宰輔自相誅夷恐乖遠近之望且

可恣之秘書監皇甫真言於恪曰根本庸豎過蒙先帝

厚恩引參顧命而小人無識自國哀已來驕狠日甚將

成禍亂

狠戶壘翻

明公今日居周公之地當爲社稷深謀早

爲之所恪不聽根又言於可足渾氏及燕主暉曰太宰

太傅將謀不軌臣請帥禁兵以誅之

帥讀曰率

可足渾氏將

從之暉曰二公國之親賢先帝選之託以孤嫠

嫠陵之翻無夫

曰發必不肯爾安知非太師欲爲亂也乃止根又思戀東

土

龍城在鄴城東北故曰東土

言於可足渾氏及暉曰今天下蕭條

外寇非一國大憂深不如還東恪聞之乃與太傅評謀

密奏根罪狀使右衛將軍傅顏就內省誅根并其妻子

黨與大赦

既誅根及其妻子黨與恐衆心反側故肆赦以安之

是時新遭大喪誅

夷狼籍內外恟懼

恟許拱翻

太宰恪舉止如常人不見其有

憂色每出入一人步從

從才用翻

或說以宜自嚴備

說輸芮翻

恪

曰人情方懼當安重以鎮之柰何復自驚擾衆將何仰

復扶又翻

由是人心稍定恪雖綜大任而朝廷之禮兢兢嚴

謹每事必與司徒評議之未嘗專決虛心待士諮詢善

道量才授任

量音良

人不踰位官屬朝臣或有過失

朝直送翻

不顯其狀隨宜他叙不令失倫

以叙遷爲他官不令失其倫等也

唯以

此爲貶時人以其爲大愧莫敢犯者或有小過自相責曰

爾復欲望宰公遷官邪

恪爲太宰故稱之爲宰公復扶又翻

朝廷初聞燕

主僇卒皆以爲中原可圖桓溫曰慕容恪尚在憂方大

耳

史言慕容恪能輔幼主桓溫能料敵

三月己卯葬燕主僇于龍陵

陵在龍城

因爲名

諡曰景昭皇帝廟號烈祖所徵郡國兵以燕朝多

難

難乃且翻

互相驚動往往擅自散歸自鄴以南道路斷塞

塞志則翻

太宰恪以吳王垂爲使持節征南將軍都督河南

諸軍事兗州牧荊州刺史鎮梁國之蠡臺

使疏吏翻下同

孫希

爲并州刺史傳顏爲護軍將軍帥騎二萬觀兵河南臨

淮而還境內乃安

史言恪當國有大憂衆心危疑之際處之有方帥讀曰率騎奇寄翻觀古

玩翻示之也觀兵曜兵以示之也

希泳之弟也

孫泳拒趙見九十六卷成帝咸康四年史書孫

泳鞠彭宋燭之子弟皆貴顯于燕所以勸委質者能守死而不貳子孫必獲其福也

匈奴劉衛

辰遣使降秦

降戶江翻

請田內地春來秋返秦王堅許之夏

四月雲中護軍賈雍遣司馬徐贇帥騎襲之

贇於倫翻

大獲

而還堅怒曰朕方以恩信懷戎狄而汝貪小利以敗之

何也

敗補邁翻

黜雍以白衣領職遣使還其所獲慰撫之衛

辰於是入居塞內貢獻相尋夏六月代王什翼犍妃

慕容氏卒

犍居言翻

秋七月劉衛辰如代會葬因求婚什

翼犍以女妻之

妻七細翻

八月辛丑朔日有食之既謝

安少有重名

少詩照翻

前後徵辟皆不就寓居會稽

會工外翻

以

山水文籍自娛雖爲布衣時人皆以公輔期之士大夫

至相謂曰安石不出當如蒼生何

謝安字安石江東人士始焉所期望者殷

浩浩既無以滿眾望矣繼而所望者謝安而安卒能匡輔晉室世之論者皆優安而劣浩余謂盛名之下其實難副浩之所以敗正以與桓溫齊名其心易溫又值石氏之亂以爲可以立功敗于輕率也謝安當桓溫擅政之時又身嘗爲之僚屬而懲浩之所以失戒溫而爲之備溫既死而值秦之強兢兢焉爲自保之謀常持懼心此其所以濟也史氏謂其能矯情鎮物

安每遊東山

東山

在今紹興府上虞縣西南四十里安故居今爲國慶禪寺

常以妓女自隨

妓渠綺翻司

徒昱聞之曰安石既與人同樂

樂音洛

必不得不與人同

憂召之必至安妻劉惔之妹也見家門貴盛

劉惔以清談貴顯而

謝尚謝奕謝萬皆爲方伯盛于一時候徒甘翻

而安獨靜退謂曰丈夫不如如此

也安掩鼻曰恐不免耳

言恐亦不免如諸兄弟也

及弟萬廢黜安始

有仕進之志時已年四十餘征西大將軍桓溫請爲司

馬安乃赴召溫大喜深禮重之冬十月烏桓獨孤部

鮮卑沒弈干各帥衆數萬降秦秦王堅處之塞南

帥讀曰率

降戶江翻處昌呂翻下同

陽平公融諫曰戎狄人面獸心不知仁義

其稽顙內附實貪地利非懷德也

稽音啟

不敢犯邊實憚

兵威非感恩也今處之塞內與民雜居彼窺郡縣虛實

必爲邊患不如徙之塞外以防未然堅從之 十一月

封桓溫爲南郡公溫弟冲爲豐城縣公子濟爲臨賀縣

公 燕太宰恪欲以李續爲右僕射燕主暉不許恪屢

以爲請暉曰萬機之事皆委之叔父伯陽一人暉請獨

裁出爲章武太守以憂卒

暉不平李續事
見上卷上年

五年春正月戊戌大赦 劉衛辰掠秦邊民五十餘口

爲奴婢以獻於秦秦王堅責之使歸所掠衛辰由是叛

秦專附於代

史言夷狄
反覆難保

東安簡伯郝曇卒

郝丑之翻
曇徒舍翻

二月以東陽太守范汪都督徐兗冀青幽五州諸軍事

兼徐兗二州刺史

平陽人舉郡降燕

平陽時屬張平

燕以建

威將軍段剛爲太守遣督護韓苞將兵共守平陽方

士丁進有寵于燕主暉欲求媚于太宰恪說恪令殺太

傅評

說輸芮翻

恪大怒奏收斬之

高昌卒

三年高昌奔滎陽

燕河

內太守呂護并其衆遣使來降拜護冀州刺史護欲引

晉兵以襲鄴三月燕太宰恪將兵五萬冠軍將軍皇甫

真將兵萬人共討之

將即亮翻冠古玩翻

燕兵至野王護嬰城自

守護軍將軍傅顏請急攻之以省大費恪曰老賊經變

多矣觀其守備未易猝攻

易以

而多殺士卒頃攻黎陽

多殺精銳卒不能拔

事見上卷二年

自取困辱護內無蓄積外

無救援我深溝高壘坐而守之休兵養士離間其黨

間古

覓翻

於我不勞而賊勢日蹙不過十旬取之必矣何爲多

殺士卒以求旦夕之功乎乃築長圍守之夏四月桓

溫以其弟黃門郎豁都督沔中七郡諸軍事

魏置中書監令又置

通事郎黃門郎沔中七郡魏興新城上庸襄陽義成竟陵江夏也

兼新野義城二郡太

守

城當作成

將兵取許昌破燕將慕容塵涼驃騎大將軍

宋混疾甚

驃匹妙翻
騎奇寄翻

張玄靚及其祖母馬氏往省之

靚疾

正翻又疾郢
翻省悉景翻

曰將軍萬一不幸寡婦孤兒將何所託欲

以林宗繼將軍可乎混曰臣子林宗幼弱不堪大任殿

下儻未棄臣門臣弟澄政事愈於臣但恐其儒緩機事

不稱耳

凡儒者多務為舒緩而不能
應機以趨事赴功稱尺證翻

殿下策勵而使之

可也混戒澄及諸子曰吾家受國大恩當以死報無恃

勢位以驕人又見朝臣皆戒之以忠貞

朝直
遙翻

及卒行路

爲之揮涕

辛子恤翻
爲于偽翻

玄靚以澄爲領軍將軍輔政 五

月丁巳帝崩

年十九

無嗣皇太后令曰琅邪王丕中興正

統

元帝明帝成帝皆正統相傳琅邪王丕成帝長子也故曰中興正統

義望情地莫與爲

比其以王奉大統於是百官備法駕迎于琅邪第庚申

卽皇帝位大赦壬戌改封東海王奕爲琅邪王秋七月

戊午葬穆帝于永平陵廟號孝宗 燕人圍野王數月

呂護遣其將張興出戰傅顏擊斬之城中日虜皇甫真

戒部將曰護勢窮再突必擇虛隙而投之吾所部士卒

多羸器甲不精宜深爲之備乃多課櫓楫親察行夜者

將卽亮翻羸倫爲翻
楫食尹翻行下孟翻

護食盡果夜悉精銳趨真所部

趨七

喻翻

突圍不得出太宰恪引兵擊之護衆死傷殆盡棄妻

子犇榮陽恪存撫降民給其廩食

降戶江翻

徙士人將帥于

鄴自餘各隨所樂

帥所類翻
樂音洛

以護參軍廣平梁琛爲中

書著作郎

晉武帝以祕書并中書省故
曰中書著作郎琛丑林翻

九月戊申立

妃王氏爲皇后后濛之女也穆帝何皇后稱穆皇后居

永安宮

涼右司馬張邕惡宋澄專政

惡烏路翻下同

起兵攻

澄殺之併滅其族

宋澄豈特機事不稱哉遂赤其族以此知經世非儒緩者所能爲也

張

玄靚以邕爲中護軍叔父天錫爲中領軍同輔政 張

平襲燕平陽殺段剛韓苞又攻鴈門殺太守單男

單音善姓

也既而爲秦所攻平復謝罪于燕以求救

復扶又翻

燕人以

平反覆弗救也平遂爲秦所滅 乙亥秦大赦 徐充

二州刺史范汪素爲桓溫所惡

桓溫初以安西鎮上流汪爲上佐蓋惡其異已

也若汪於此時能立異必知溫之心迹矣惡烏路翻

溫將北伐命汪帥衆出梁國

帥讀日率

冬十月坐失期免爲庶人遂廢卒於家

卒子

子甯

好儒學

好呼到翻

性質直常謂王弼何晏之罪深于桀紂或

以爲貶之太過寧曰王何蔑棄典文幽沈仁義

沈持林翻

游

辭浮說波蕩後生使搢紳之徒翻然改轍以至禮壞樂

崩中原傾覆遺風餘俗至今爲患桀紂縱暴一時適足

以喪身覆國

喪息浪翻

爲後世戒豈能廻百姓之視聽哉故

吾以爲一世之禍輕歷代之患重自喪之惡小迷衆之

罪大也

喪息浪翻

呂護復叛犇燕燕人赦之以爲廣州刺

史

燕無廣州以刺史之名授護耳

涼張邕驕矜淫縱樹黨專權多所

刑殺國人患之張天錫所親敦煌劉肅謂天錫曰

敦煌徒門翻

國家事欲未靜天錫曰何謂也肅曰今護軍出入有似

長寧

長寧侯張祚也

天錫驚曰我固疑之未敢出口計將安出

肅曰正當速除之耳天錫曰安得其人肅曰肅卽其人

也肅時年未二十天錫曰汝年少

少詩照翻

更求其助肅曰

趙白駒與肅二人足矣十一月天錫與邕俱入朝

朝直遙翻

肅與白駒從天錫肅斫之不中

中竹仲翻

白駒繼之又不克

二人與天錫俱入宮中邕得逸走帥甲士三百餘人攻

宮門天錫登屋大呼曰

帥讀曰率呼必故翻

張邕凶逆無道既滅

宋氏又欲傾覆我家汝將士世爲涼臣何忍以兵相向

邪

將卽亮翻

今所取者止張邕耳它無所問於是邕兵悉散

走邕自刎死盡滅其族黨

刎扶粉翻

玄靚以天錫爲使持節

冠軍大將軍都督中外諸軍事輔政

自張重華沒後張祚張瓘宋混宋澄

以及張邕張天錫遞相屠滅涼浸衰矣使疏吏翻冠古玩翻

十二月始改建興四十

九年奉升平年號

涼至是方奉建康年號

詔以玄靚爲大都督督

隴右諸軍事涼州刺史護羌校尉西平公 燕大赦

秦王堅命牧伯守宰各舉孝弟廉直文學政事察其所

舉得人者賞之非其人者罪之由是人莫敢妄舉而請

託不行士皆自勵雖宗室外戚無才能者皆弃不用當

是之時內外之官率皆稱職

稱尺證翻

田疇修闢倉庫充實

盜賊屏息

屏必郢翻

是歲歸義侯李勢卒

永和三年李勢降至是而卒

哀皇帝

諱丕成帝長子也字千齡咸康八年封琅邪王諡法恭仁短折曰哀

隆和元年春正月壬子大赦改元 甲寅減田租畝收

二升

成帝咸和五年始度百姓田畝取十分之一率畝稅米三升今減之畝收二升

燕豫州

刺史孫興請攻洛陽曰晉將陳祐斃卒千餘介守孤城

不足取也

將卽亮翻介如字獨也又音憂

燕人從其言遣寧南將軍呂

護屯河陰

二月辛未以吳國內史庾希爲北中郎將

徐兗二州刺史鎮下邳龍驤將軍袁真爲西中郎將監

護豫司并冀四州諸軍事豫州刺史鎮汝南

希真既並假節職任

宜同之矣希亦當帶並護之職史逸之也驤思將翻監工銜翻

並假節希冰之子也

冰

兼政于咸康

丙子拜帝母周貴人爲皇太妃儀服擬于太后

燕呂護攻洛陽三月乙酉河南太守戴施犇宛

永和十二年

年桓溫留戴施茂
洛陽宛於元翻

陳祐告急五月丁巳桓溫遣庾希及

竟陵太守鄧遐帥舟師三千人助祐守洛陽

帥讀日率

遐嶽

之子也

鄧嶽王敦將也敦敗後自歸著功交廣

溫上疏請遷都洛陽自永

嘉之亂播流江表者一切北徙以實河南朝廷畏溫不

敢爲異而北土蕭條人情疑懼雖並知不可莫敢先諫

散騎常侍領著作郎孫綽上疏曰

晉志曰著作郎周左史之任也漢東京國

籍在東觀故使儒者著作東觀有其名尚未有官魏明帝太和中詔置著作郎於此始有其官隸中書省晉惠帝置祕書監併統著作省蓋著作雖別置省而猶隸祕書也余按班固西都賦曰承明金馬著作之廷如是則

漢西都雖未置著作之官而承明金馬亦著作之所也散悉直翻騎奇寄翻

昔中宗龍飛

元帝

廟號中宗非惟信順協于天人

易大傳曰天之所助者順也人之所助者信也

實賴

萬里長江畫而守之耳今自喪亂已來六十餘年

自賈后之

廢趙王倫之誅繼而諸王交兵胡羯乘之而起天下大亂至是六十餘年矣喪息浪翻

河洛丘墟

函夏蕭條

函容也夏大也言平原之地所函容者大也夏戶雅翻

士民播流江表

已經數世存者老子長孫

長知兩翻

亡者丘隴成行

行戶剛翻雖

北風之思感其素心目前之哀實爲交切若遷都旋軫

之日

賈公彥曰若不定之辭

中興五陵卽復緬成遐域

中興五陵元帝建平

陵明帝武平陵成帝興平陵康帝崇平陵
穆帝永平陵皆在江南緬遠也遐亦遠也
泰山之安既

難以理保

言以理觀之遷都于洛難以保泰山之安也

烝烝之思豈不纏於

聖心哉

烝烝進進也言若遷洛經心于江南陵寢孝思進進也

溫今此舉誠欲大

覽始終爲國遠圖而百姓震駭同懷危懼豈不以反舊

之樂賒趨死之憂促哉

樂音洛趨七喻翻

何者植根江外數十

年矣

中原以江南爲江外亦曰江表

一朝頓欲拔之驅蹶於窮荒之地

踰昌六翻

提挈萬里踰險浮深離墳墓

離力智翻

棄生業田宅不

可復售

復扶又翻

舟車無從而得捨安樂之國適習亂之鄉

將頓仆道塗飄溺江川僅有達者

溺奴
狄翻

此仁者所宜哀

矜國家所宜深慮也臣之愚計以爲且宜遣將帥有威

名資實者先鎮洛陽

將卽亮翻
帥所類翻

掃平梁許

梁謂梁國許
謂許昌皆當

江南入洛
之要路

清壹河南運漕之路旣通開墾之積已豐豺

狼遠竄中夏小康然後可徐議遷徙耳

夏戶
雅翻

柰何捨百

勝之長理舉天下而一擲哉綽楚之孫也

孫楚仕武帝
時有才名

少慕高尚

少詩
照翻

嘗著遂初賦以見志溫見綽表不悅曰

致意興公

孫綽字
興公

何不尋君遂初賦而知人家國事邪

時朝廷憂懼將遣侍中止溫揚州刺史王述曰溫欲以

虛聲威朝廷耳非事實也但從之自無所至乃詔溫曰

在昔喪亂忽涉五紀

孔穎達曰言在昔者自下本上之辭言昔在者從上自下爲稱喪息

浪翻自惠帝永興元年劉淵始亂距是歲五十九年自懷帝永嘉五年洛陽陷距是歲五十年

戎狄肆

暴繼襲凶迹眷言西顧慨歎盈懷知欲躬帥三軍蕩滌

氛穢廓清中畿

中畿王畿也周禮九畿王畿方千里其外侯甸男采衛蠻夷鎮蕃皆以五百里

言之王畿在九畿之中故此曰中畿帥讀曰率

光復舊京非夫外身徇國孰能

若此諸所處分

處昌呂翻分扶問翻

委之高美但河洛丘墟所營

者廣經始之勤致勞懷也事果不行溫又議移洛陽鍾

虞

虞音巨

述曰永嘉不競暫都江左方當蕩平區宇旋軫

舊京若其不爾宜改遷園陵不應先事鍾虞溫乃止朝

廷以交廣遼遠

溫督荆司雍益梁寧交廣八州

改授溫都督并司冀三

州溫表辭不受

秦王堅親臨太學考第諸生經義與

博士講論自是每月一至焉

六月甲戌燕征東參軍

劉拔刺殺征東將軍冀州刺史范陽王友於信都

刺七亦翻

秋七月呂護退守小平津

以晉援兵至也

中流矢而卒

中竹仲翻

燕將段崇收軍北渡屯于野王鄧遐進屯新城

新城春秋戎蠻

子之國也自漢以來屬河南隋改爲伊闕縣

八月西中郎將袁真進屯汝南

運米五萬斛以饋洛陽 冬十一月代王什翼犍納女

于燕

犍居言翻

燕人亦以女妻之

妻七細翻

十二月戊午朔日

有食之 庾希自下邳退屯山陽袁真自汝南退屯壽

陽

以洛陽兵解退屯而燕兵尋復至矣

興寧元年春二月己亥大赦改元 三月壬寅皇太妃

周氏薨于琅邪第癸卯帝就第治喪

治直之翻

詔司徒會稽

王昱總內外衆務帝欲爲太妃服三年

爲于
偽翻

僕射江彪

啟於禮應服總麻

彪通
開翻

又欲降服脊彪曰厭屈私情所

以上嚴祖考乃服總麻

周禮曰王爲諸侯總練弁而加
環經又禮爲人後者爲之子故

爲所後服斬衰三年而降其父母脊彪以爲應服總者
蓋以帝入後大宗則周氏者琅邪之母當以服諸侯者
服之也廉於
葉翻嚴尊也夏四月燕寧東將軍慕容忠攻滎陽太

守劉遠遠犇魯陽五月加征西大將軍桓溫侍中大司
馬都督中外諸軍錄尚書事假黃鉞溫以撫軍司馬王
坦之爲長史坦之述之子也又以征西掾郝超爲參軍

王珣爲主簿每事必與二人謀之府中爲之語曰髯參軍

短主簿

以超多髯而珣短也
掾于絹翻郝丑之翻

能令公喜能令公怒

令力
呈翻

溫氣槩高邁罕有所推與超言常自謂不能測傾身侍

之超亦深自結納珣導之孫也與謝玄皆爲溫掾溫俱

重之曰謝掾年四十必擁旄杖節王掾當作黑頭公皆

未易才也

易以
鼓翻

玄奕之子也

升平二年
謝奕卒

以西中郎將

袁真都督司冀并三州諸軍事北中郎將庾希都督青

州諸軍事

癸卯燕人拔密城

密縣漢屬河南
郡晉屬滎陽郡

劉遠并

江陵 秋八月有星孛于角亢

角二星亢四星晉天文志角亢氏鄭兗州分孛

蒲內翻亢

居郎翻

張玄靚祖母馬氏卒

靚疾正翻又疾郢翻

尊庶母郭

氏爲太妃郭氏以張天錫專政與大臣張欽等謀誅之

事泄欽等皆死玄靚懼以位讓天錫天錫不受右將軍

劉肅等勸天錫自立閏月天錫使肅等夜帥兵入宮弑

玄靚

帥讀曰率下同 考異曰帝紀天錫殺玄靚自立在七月今從晉春秋

宣言暴卒諡

曰冲公天錫自稱使持節大都督大將軍涼州牧西平

公

使疏吏翻

時年十八尊母劉美人曰太妃遣司馬綸騫奉

章詣建康請命

綸姓也姓譜曰魏志孫文端臣綸直

并送御史俞歸東還

穆帝永和三年歸使涼州今乃還

癸亥大赦

冬十月燕鎮南將軍

慕容塵攻陳留太守袁披于長平

長平縣前漢屬汝南郡後漢晉屬陳郡賢

曰長平故城在今陳州宛丘縣西北

汝南太守朱斌乘虛襲許昌克之

考

異曰燕書作朱黎今從晉帝紀

代王什翼犍擊高車大破之

高車即敕勒也

浴乘高輪車故亦號高車部李延壽曰高車蓋古赤狄之餘種也初號爲狄歷北方以爲高車丁零其遷徙隨水草衣皮食肉與柔然同唯車輪高大輻數至多犍居言翻

俘獲萬餘口馬牛羊百

餘萬頭

以征虜將軍桓冲爲江州刺史十一月姚襄

故將張駿殺江州督護趙毗帥其徒北叛冲討斬之

桓溫

之破姚襄獲襄將張駿楊凝等徙于尋陽

二年春正月丙辰燕大赦 二月燕太傅評龍驤將軍

李洪略地河南

驤思將翻

三月庚戌朔大閱戶口令所在

土斷

令西北士民僑寓東南者所在以土著爲斷也斷丁亂翻

嚴其法制謂之庚戌

制 帝信方士言斷穀餌藥以求長生

斷讀日短

侍中高崧

諫曰此非萬乘所宜爲

乘繩證翻

陛下茲事實日月之食

論語

子貢曰君子之過也如日月之食焉

不聽 辛未帝以藥發不能親萬幾者

太后復臨朝攝政

穆帝以幼冲嗣位諸太后臨朝稱制升平元年帝加元服太后歸政帝卽

位年長矣以疾不能親政太后復臨朝復扶又翻朝直還翻

夏四月甲辰燕李洪

攻許昌汝南敗晉兵于懸瓠

敗補邁翻水經注曰懸瓠城汝南郡治也城之西北

汝水枝別左出西北流又屈西東轉又西南會汝形如垂瓠因以名城瓠音胡又音互

潁川太守

李福戰死汝南太守朱斌奔壽春陳郡太守朱輔退保

彭城大司馬溫遣西中郎將袁真等禦之

去年五月加桓溫督錄假

黃鉞至是書其官名而不姓堅冰至矣

溫帥舟師屯合肥

帥讀曰率

燕人遂拔

許昌汝南陳郡徙萬餘戶於幽冀二州遣鎮南將軍慕

容塵屯許昌 五月戊辰以揚州刺史王述爲尚書令

加大司馬溫揚州牧錄尚書事壬申使侍中召溫入參

朝政溫辭不至王述每受職不爲虛讓其所辭必於不

受及爲尚書令子坦之白述故事當讓述曰汝謂我不

堪邪坦之曰非也但克讓自美事耳述曰旣謂堪之何

爲復讓

復扶又翻

人言汝勝我定不及也 六月秦王堅遣

大鴻臚拜張天錫爲使持節爲大將軍涼州牧西平公

秋七月丁卯詔復徵大司馬溫入朝八月溫至赭圻

詔尚書車灌止之溫遂城赭圻居之

赭圻在宣城界南史沈攸之自虎檻

洲進攻赭圻陶亮等自鵲頭引兵救之劉昫曰宣州南陵縣漢春穀縣地梁置南陵縣舊治赭圻城唐長安四年移治青陽城按溫表云春穀縣之赭圻城在江東岸臨當濡須口上二十里距建康宮三百二十里南有聲里北有公安戍車

固讓內錄

內錄謂錄尚書事也

遙領揚州牧

秦汝南公騰謀反伏誅騰秦主生之弟也是時生弟晉

公桺等猶有五人王猛言于堅曰不去五公終必爲患

堅不從

爲後桺等反張本去羌呂翻

燕侍中慕容龍請龍城徙宗

廟及所留百官皆詣鄴

燕太宰恪將取洛陽

考異曰帝紀

慕容暉寇洛陽上云苻堅別帥侵河南按明年恪拔洛陽堅親將以備潼關是未敢與燕爭河南也十六國春秋堅傳亦無此舉帝紀恐誤

先遣人招納土民遠近諸塢皆歸之乃

使司馬悅希軍于盟津

盟讀曰孟

豫州刺史孫興軍于成臯

初沈充之子勁以其父死于逆亂

見九十三卷明帝太寧二年

志欲

立功以雪舊恥年三十餘以刑家不得仕吳興太守王

胡之爲司州刺史上疏稱勁才行

行下孟翻

請解禁錮參其

府事朝廷許之會胡之以病不行及燕人逼洛陽冠軍

將軍陳祐守之

冠古玩翻

衆不過二千勁自表求配祐効力

詔以勁補冠軍長史令自募壯士得千餘人以行勁屢

以少擊燕衆摧破之

少詩
沼翻

而洛陽糧盡援絕祐自度不

能守

度徒
洛翻

乃以救許昌爲名九月留勁以五百人守洛

陽祐帥衆而東

帥讀
日率

勁喜曰吾志欲致命

論語子張曰
士見危致命

朱子曰致命謂委致
其命猶言授命也

今得之矣祐聞許昌已沒遂犇新

城燕悅希引兵略河南諸城盡取之秦王堅命公國

各置三卿

晉制王國置郎中令中尉
大農爲三卿秦因其制

并餘官皆聽自采

辟獨爲置郎中令

爲于
僞翻

富商趙掇等車服僭侈諸公競

引以爲卿

又都活翻

黃門侍郎安定程憲請治之

治直翻

堅乃下詔稱本欲使諸公延選英儒乃更猥濫如是宜

令有司推檢辟召非其人者悉降爵爲侯自今國官皆

委之銓衡

銓衡謂吏部尚書也

自非命士已上不得乘車馬去京

師百里內工商阜隸不得服金銀錦繡犯者棄市於是

平陽平昌九江陳留安樂五公皆降爵爲侯

樂音洛

三年春正月庚申皇后王氏崩

劉衛辰復叛代

劉衛辰附

代見上升平五年復扶又翻

代王什翼犍東渡河擊走之

犍居言翻

什翼

犍性寬厚郎中令許謙盜絹二匹什翼犍知而匿之

北按

史代國俗無繒帛而謙盜之其罪在不赦而什翼犍能容之故史以此言其寬厚之一端謂左長史

燕鳳曰吾不忍視謙之面若謙慙而自殺是吾以財殺

士也嘗討西部叛者流矢中目

中竹仲翻

旣而獲射者羣臣

欲鬻割之什翼犍曰彼各爲其主鬪耳

爲于偽翻

何罪遂釋

之大司馬溫移鎮姑孰

溫又自赭圻而東鎮姑孰

二月乙未以其

弟右將軍諮監荊州揚州之義城雍州之京兆諸軍事

領荊州刺史

義城郡置于襄陽襄陽郡屬荊州而義城郡領揚州淮南之平阿下蔡蓋桓宣先從

祖約退屯淮南後鎮襄陽陶侃以其淮南部曲置義成郡於穀城蓋有揚州之民而又置揚州僑縣於穀城穀城荊州統內之地也故曰荊州揚州之義成曰義成者言以義成軍因而名郡後人又於成字旁添土失其初立郡之旨矣京兆郡屬雍州時亦僑立於襄陽雍於用翻

加江州刺史桓沖監江州

及荊豫八郡諸軍事

初沖刺江州領西陽譙二郡太守今加監荊州之江夏隨郡豫州之

汝南西陽新蔡潁川凡六郡通所鎮尋陽爲八郡監工衙翻考異曰帝紀云沖領南蠻校尉按江左唯荊州領南蠻沖傳亦無蓋紀因桓豁重出今不取

並假節司徒昱聞陳祐棄洛陽

會大司馬溫于洌洲

今姑孰江中有洌山卽其地

共議征討丙申帝

崩于西堂

年二十五西堂太極殿西堂也建康太極殿有東西堂東堂以見羣臣西堂爲卽安之地

事遂寢帝無嗣丁酉皇太后詔以琅邪王奕承大統

奕當

非作

百官奉迎于琅邪第是日卽皇帝位大赦 秦大赦

改元建元 燕太宰恪吳王垂共攻洛陽恪謂諸將曰

卿等常患吾不攻今洛陽城高而兵弱易克也

易以

勿

更畏懦而怠惰遂攻之三月克之執揚武將軍沈勁勁

神氣自若恪將宥之中軍將軍慕容廆曰勁雖奇士觀

其志度終不爲人用今赦之必爲後患遂殺之恪略地

至峭澗

峭澗谷也澗澗池也澗彌充翻

關中大震秦王堅自將屯陝城

以備之

將卽亮翻
陝式丹翻

燕人以左中郎將慕容筑爲洛州刺

史鎮金墉

筑張
六翻

吳王垂爲都督荆揚洛徐兗豫雍益涼

秦十州諸軍事征南大將軍荊州牧配兵一萬鎮魯陽

雅於
用翻

太宰恪還鄴謂僚屬曰吾前平廣固不能濟辟閭

蔚

見上卷穆帝
永和十二年

今定洛陽使沈勁爲戮雖皆非本情然

身爲元帥實有愧于四海

帥讀
曰率

朝廷嘉勁之忠贈東陽

太守

臣光曰沈勁可謂能子矣恥父之惡致死以滌之變

凶逆之族爲忠義之門易曰幹父之蠱用譽

易蠱卦六五爻

辭象曰幹父用譽承以德也

蔡仲之命曰爾尚蓋前人之愆惟忠

惟孝

見尚書

其是之謂乎

太宰恪爲將不事威嚴專用恩信撫士卒務綜大要不

爲苛令使人人得便安平時營中寬縱似若可犯然警

備嚴密敵至莫能近者

近其新翻

故未嘗負敗

壬申薨哀

帝及靜皇后于安平陵

王皇后諡曰靜晉書作靖

夏四月壬午燕

太尉武平匡公封弈卒

諡法貞心大度曰匡

以司空陽騫爲太尉

侍中光祿大夫皇甫真爲司空領中書監鶩歷事四朝

庖餽僊暉四朝朝直遙翻

年耆望重自太宰恪以下皆拜之而鶩諫

恭謹厚過於少時戒束子孫雖朱紫羅列無敢違犯其

法度者

封弈事燕亦歷事四朝其宣勞過于陽鶩子孫貴顯亦過于陽氏豈弈之謙德有愧於鶩邪或

者史家因陽氏家傳書之而封氏闕然無述也少詩照翻

六月戊子益州刺史建

城襄公周撫卒

諡法因事有功曰襄

撫在益州三十餘年

穆帝永和三年

桓溫平蜀留撫鎮之至是纔十九年蓋晉未得蜀之前置益州刺史于巴東撫先已爲刺史溫既克蜀撫仍爲益州刺史鎮彭模曰在益州三十餘年者史通其鎮巴東鎮彭模之年數之也甚有威惠詔以

其子犍爲太守楚代之

犍居言翻

秋七月己酉徙會稽王

昱復爲琅邪王

元帝以昱爲琅邪王奉恭王祀成帝咸和元年王生母鄭夫人薨王號慕請服

重徙封會稽王是後康帝哀帝及今帝皆自琅邪入繼大統會工外翻

壬子立妃庾氏

爲皇后后冰之女也 甲申立琅邪王昱子昌明爲會

稽王昱固讓猶自稱會稽王

會工外翻

匈奴右賢王曹轂

左賢王劉衛辰皆叛秦轂帥衆二萬寇杏城秦王堅自

將討之

轂古祿翻帥讀曰率將卽亮翻

使衛大將軍李威左僕射王猛

輔太子宏留守長安八月堅擊轂破之斬轂弟活轂請

降

降戶江翻

徙其豪傑六千餘戶于長安建節將軍鄧羗討

衛辰擒之於木根山

木根山在朔方

九月堅如朔方巡撫諸胡

冬十月征北將軍淮南公幼帥杏城之衆乘虛襲長安

李威擊斬之

幼亦秦主生之弟也

鮮卑秃髮椎斤卒年一百一

十子思復韃代統其衆

韃居言翻

椎斤樹機能從弟務丸之

孫也

樹機能亂涼州見晉武帝紀從才月翻

梁州刺史司馬勲爲政酷

暴治中別駕及州之豪右言語忤意卽於坐梟斬之

忤五

故翻坐徂臥翻巢堅亮翻

或親射殺之

射而翻

常有據蜀之志憚周撫

不敢發及撫卒勲遂舉兵反別駕雍端西戎司馬隗粹

切諫

西戎司馬西戎校尉之屬官也雍於用翻隗五罪翻

勲皆殺之自號梁益二

州牧成都王十一月勲引兵入劔閣攻涪西夷校尉母

丘暉棄城走

晉初置西夷校尉治汶山今蓋治涪城涪音浮

乙卯圍益州刺史

周楚于成都大司馬溫表鷹揚將軍江夏相義陽朱序

爲征討都護以救之

夏戶雅翻相息亮翻

秦王堅還長安以李

威守太尉加侍中以曹轂爲鴈門公劉衛辰爲夏陽公

夏戶雅翻

各使統其部落

十二月戊戌以尚書王彪之爲

僕射

海西公上

諱弈字延齡哀帝之母弟也咸康八年封爲東海王穆帝升平五年改封琅邪

王卽位後桓溫廢爲海西公

太和元年春三月荊州刺史桓豁使督護桓罷攻南鄭

討司馬勲 燕太宰大司馬恪太傅司徒評稽首歸政

上章綬請歸第

稽音啟上時掌翻

燕主暉不許 夏五月戊寅

皇后庾氏崩 朱序周楚擊司馬勲破之擒勲及其黨

送大司馬溫溫皆斬之傳首建康 代王什翼犍遣左

長史燕鳳入貢于秦

捷居言翻
燕於賢翻

秋七月癸酉葬孝皇

后于敬平陵

庾后諡
曰孝

秦輔國將軍王猛前將軍楊安

揚武將軍姚萇等帥衆二萬寇荊州攻南鄉郡

萇仲良
翻帥讀

曰

荊州刺史桓豁救之八月軍于新野秦兵掠安陽民

萬餘戶而還

安陽縣漢屬漢中郡魏置魏興郡安陽屬
焉晉省秦攻南鄉而退安能深入山阻掠

安陽之民乎載記作漢陽謂
漢水之北也當從載記爲是

九月甲午曲赦梁益二

州

司馬勲初平赦其
支黨及脅從者

冬十月加司徒昱丞相錄尚書

事入朝不趨讚拜不名劍履上殿

朝直遙翻
上時掌翻

張天錫

遣使至秦境上告絕於秦

涼與秦通見上卷穆帝永和十二年使疏吏翻

燕

撫軍將軍下邳王厲寇兗州拔魯高平數郡置守宰而

還初隴西李儼以郡降秦既而復通于張天錫

李儼據隴

西事始上卷永和十一年降戶江翻復扶又翻

十二月羌欽岐以略陽四千家

叛秦稱臣于儼

載記作欽岐張天錫傳作廉岐欽羌姓也

儼於是拜置牧守

與秦涼絕

南陽督護趙億據宛城降燕太守桓澹走

保新野燕人遣南中郎將趙盤自魯陽戍宛

宛於元翻

徐

兗二州刺史庾希以后族故兄弟貴顯大司馬溫忌之

二年春正月庾希坐不能救魯高平免官

考異曰帝紀是月希有

罪走入海按本傳海西廢後希始逃于海陵此時才坐免官耳

二月燕撫軍將軍下

邳王厲鎮北將軍宜都王桓襲敕勒秦輔國將軍王

猛隴西太守姜衡南安太守南安邵羌揚武將軍姚萇

等帥衆萬七千討欽岐三月張天錫遣前將軍楊適向

金城征東將軍常據向左南

張軌置左南縣屬晉興郡關駟十三州志曰石城西

一百四十里有左南城河水逕其南曰左南津通音聿

游擊將軍張統向白土

晉志

白土縣屬金城郡十三州志左南津西六十里有白土城城在大河之北爲綠河濟渡之地

天錫自

將三萬人屯倉松

倉松縣自漢以來屬武威郡後梁呂光改曰昌松縣將卽亮翻

以討

李儼歛岐部落先屬姚弋仲聞姚萇至皆降王猛遂克

略陽歛岐奔白馬

白馬卽武都白馬氏之地

秦王堅以萇爲隴東太

守夏四月燕慕容塵寇竟陵太守羅崇擊破之張

天錫攻李儼大夏武始二郡下之

宋白曰張駿十八年分武始興晉廣武置

大夏郡唐爲大夏縣屬河州張駿以狄道縣置武始郡今熙州卽其地夏戶雅翻

常據敗儼兵

於葵谷

敗補遺翻

天錫進屯左南儼懼退守枹罕

枹音膚

遣其

兄子純謝罪於秦且請救秦王堅使前將軍楊安建威

將軍王撫帥騎二萬會王猛以救儼猛遣邵羌追歛岐

王撫守侯和姜衡守白石

白石縣前漢屬金城郡後漢屬隴西郡賢曰白石山在今

蘭州宋白曰河州鳳林縣本漢白石縣地張駿八年改爲永固縣

猛與楊安救枹罕天

錫遣楊適逆戰于枹罕東猛大破之俘斬萬七千級與

天錫相持於城下

枹罕城下也

邵羌禽歛岐於白馬送之猛

遣天錫書曰

遺于季翻

吾受詔救儼不令與涼州戰今當深

壁高壘以聽後詔曠日持久恐二家俱弊非良策也

二家

謂秦涼也

若將軍退舍吾執儼而東將軍徙民西旋不亦可

乎天錫謂諸將曰猛書如此吾本來伐叛不來與秦戰

遂引兵歸李儼猶未納秦師王猛白服乘輿從者數十

人

從才用翻

請與儼相見儼開門延之未及爲備將士繼入

遂執儼以立忠將軍彭越爲平西將軍涼州刺史鎮枹

罕

立忠將軍符秦所創置

張天錫之西歸也李儼將賀朏說儼曰

以明公神武將士驍悍柰何束手於人王猛孤軍遠來

士卒疲弊且以我請救必不設備若乘其怠而擊之可

以得志儼曰求救于人以免難難旣免而擊之天下其

謂我何不若固守以老之彼將自退猛責儼以不卽出

迎儼以賀肫之謀告猛斬肫

肫株倫翻又音豚說輸芮翻難乃旦翻

以儼

歸至長安堅以儼爲光祿勳賜爵歸安侯 燕太原桓

王恪言于燕主暉曰

諡法辟土服遠曰桓

吳王垂將相之才十倍

于臣先帝以長幼之次

長知兩翻

故臣得先之

得先悉薦翻

臣死

之後願陛下舉國以聽吳王五月壬辰恪疾篤暉親視

之問以後事恪曰臣聞報恩莫大於薦賢賢者雖在板

築猶可爲相

謂殷王高宗起傳說於板築之間命以爲相

况至親乎吳王文

武兼資管蕭之亞

謂才亞於管仲蕭何也

陛下若任以大政國家

可安不然秦晉必有窺窬之計言終而卒

窬音俞卒子恤翻

秦

王堅聞恪卒陰有圖燕之計欲覘其可否

覘丑廉翻又丑艷翻

命

匈奴曹轂發使如燕朝貢

曹轂匈奴右賢王也前年降於秦朝直遙翻

以西

戎主簿郭辯爲之副

晉武帝置西戎校尉於長安秦蓋因之主簿其屬也考異曰燕建

熙八年皇甫真爲太尉燕書及載記真傳郭辯至燕皆在真爲太尉下晉春秋在建熙十年八月恐皆非是故

附於曹轂降秦下

燕司空皇甫真兄腆及從子奮覆皆仕秦腆

爲散騎常侍

皇甫真本安定人仕於燕從才用翻散悉竄翻騎奇寄翻

辯至燕歷造

公卿

造七到翻

謂真曰僕本秦人家爲秦所誅故寄命曹主

貴兄常侍及奮覆兄弟並相知有素真怒曰臣無境外

之交此言何以及我君似奸人得無因緣假託乎白暉

請窮治之

治直之翻

太傅評不許辯還爲堅言燕朝政無綱

紀實可圖也

爲于偽翻朝直遙翻

鑒機識變唯皇甫真耳堅曰以

六州之衆

六州幽并冀司兗豫也

豈得不使有智士一人哉曹轍

尋卒秦分其部落爲二使其二子分統之號東西曹

堅分

轍部落貳城以西二萬餘落使轍長子璽統之貳城以東二萬餘落使轍小子寅統之

荊州刺

史桓谿竟陵太守羅崇攻宛拔之趙億走趙盤退歸魯

陽谿追擊盤於雉城擒之

雉縣自漢以來屬南陽郡其地當在唐鄧州向城縣界新

唐志曰向城縣北
八十里有魯陽關

留兵戍宛而還

還從宣翻
又如字

秋七月

燕下邳王厲等破敕勒獲馬牛數萬頭初厲兵過代地

犯其稼田

稼子例翻摩也今南人呼黍爲稼北方地寒五穀不生惟黍生之故有稼田項安世曰黍

有二種正黍似粟而大以五月熟今荆人專謂之黍又謂之黍稷是也又一種尤高大稈之狀至如蘆實之狀至如薏苡荆人謂之討黍又謂之蘆稷然以秋而熟非正黍也代王什翼犍怒

犍居燕言翻

平北將軍武強公埜以幽州兵戍雲中八月什翼犍攻

雲中塗棄城走

塗與泥同

振威將軍慕容賀辛戰沒

九月

以會稽內史郝愔爲都督徐兗青幽揚州之晉陵諸軍

事徐兗二州刺史鎮京口

郝丑之翻愔揖淫翻沈約曰晉永嘉大亂幽冀青并兗州

及徐州之淮北流民相率過淮亦有過江在晉陵界者成帝咸和四年郝鑒又徙流民之在淮南者於晉陵諸縣其徙過江南及留在江北者並立僑郡縣以司牧之徐兗二州或治江北江北又僑立幽冀青并四州

秦淮南公幼之反也征東大將軍并州牧晉公柳征西

大將軍秦州刺史趙公雙皆與之通謀秦王堅以雙母

弟至親柳健之愛子隱而不問柳雙復與鎮東將軍洛

州刺史魏公虔安西將軍雍州刺史燕公武謀作亂

扶復

又翻秦并州刺史治蒲阪秦州刺史治上邽洛州刺史治陝雍州刺史治安定虔武皆健子也虔踈鳩翻

鎮

東主簿南安姚眺

眺他弔翻

諫曰明公以周邵之親受方面

之任國家有難當竭力除之況自爲難乎

難乃旦翻

虔不聽

堅聞之徵柳等詣長安冬十月柳據蒲阪雙據上邽虔

據陝城武據安定皆舉兵反

果如王猛之言

堅遣使諭之曰吾

待卿等恩亦至矣何苦而反今止不徵卿宜罷兵各定

其位一切如故各齧黎以爲信皆不從

黎肉脆而齧之易入以喻親戚

離叛則國力脆弱將為敵人所乘故齧黎付使者賜柳等以為信也使疏吏翻齧魚結翻

代王什

翼捷擊劉衛辰河冰未合什翼捷命以葦絙約流澌俄

而冰合

自代擊朔方西渡大河其津曰君子津絙居登翻

然猶未堅乃散葦於

其上冰草相結有如浮梁代兵乘之以渡衛辰不意兵猝至與宗族西走什翼捷收其部落什六七而還衛辰奔秦秦王堅送衛辰還朔方遣兵戍之十二月甲子

燕太尉建寧敬公陽鶩卒

諡法合善典法曰敬夙夜警戒曰敬

以司空皇

甫真為侍中太尉光祿大夫李洪為司空

三年春正月秦王堅遣後將軍楊成世左將軍毛嵩分討上邽安定輔國將軍王猛建節將軍鄧羌攻蒲阪前將軍楊安廣武將軍張蚝攻陝城堅命蒲陝之軍皆距城三十里堅壁勿戰俟秦雍已平然後并力取之

陝式
冉翻

雍於
用翻

初燕太宰恪有疾以燕主暉幼弱政不在已太傅評多猜忌恐大司馬之任不當其人謂暉兄樂安王臧曰今南有遺晉西有彊秦二國常蓄進取之志顧我未有隙耳夫國之興衰繫于輔相大司馬總統六軍不

可任非其人我死之後以親疎言之當在汝及冲汝曹

雖才識明敏然年少未堪多難

少詩照翻
難乃旦翻

吳王天資英

傑智略超世汝曹若能推大司馬以授之必能混壹四

海况外寇不足憚也慎無冒利而忘害不以國家爲意

也

冒利而忘害者謂利在於得兵權而冒
當大司馬之任而忘亡國敗家之害也

又以語太傅

評

語牛
倨翻

及恪卒評不用其言二月以車騎將軍中山王

冲爲大司馬冲暉之弟也以荊州刺史吳王垂爲侍中

車騎大將軍儀同三司

爲評垂有隙張
本騎奇寄翻

秦魏公廋以

陝城降燕請兵應接秦人大懼盛兵守華陰

華陰縣在陝城之西

有潼關之險降戶江翻華戶化翻

燕魏尹范陽王德

燕都鄴以魏郡太守爲魏尹

上

疏以爲先帝應天受命志平六合陛下纂統當繼而成

之今苻氏骨肉乖離國分爲五

蒲阪陝城上邽安定與長安爲五

投誠

請援前後相尋是天以秦賜燕也天與不取反受其殃

吳越之事足以觀矣

國語越范蠡曰昔天以越賜吳吳不敢取今天以吳賜越越其敢逆

乎天宜命皇甫真引并冀之衆徑趨蒲阪

趨七喻翻

吳王垂引

許洛之兵馳解廩園太傅總京師虎旅爲二軍後繼傳

檄三輔示以禍福明立購賞彼必望風響應渾壹之期

于此乎在矣時燕人多請救陝因圖闕中者太傅評曰

秦大國也今雖有難未易可圖

難乃旦翻
易以鼓翻

朝廷雖明未

如先帝

燕人謂其
主爲朝廷

吾等智畧又非太宰之比但能閉關

保境足矣平秦非吾事也魏公庾遺吳王垂及皇甫真

晟曰

遺于
季翻

符堅王猛皆人傑也謀爲燕患久矣今不乘

機取之恐異日燕之君臣將有甬東之悔矣

左傳吳入
越越子保

于會稽使行成於吳吳子許之伍子胥諫不聽其後越
入吳請使吳王居甬東吳王曰孤老矣不能事君王也

吾悔不用子胥之言自令陷此乃縊賈逵曰甬東
越鄙甬江東也索隱曰今鄞縣卽其處甬余龐翻垂謂

真曰方今爲人患者必在於秦主上富於春秋觀太傅
識度豈能敵苻堅王猛乎真曰然吾雖知之如言不用
何三月丁巳朔日有食之癸亥大赦秦楊成世

爲趙公雙將苟興所敗毛嵩亦爲燕公武所敗犇還秦

王堅復遣武衛將軍王鑒寧朔將軍呂光將軍馮翊郭

將翟儼等帥衆三萬討之

敗補遣翻復扶
又翻傳奴沃翻

夏四月雙武

乘勝至于榆眉以苟興爲前鋒王鑒欲速戰呂光曰興

新得志氣勢方銳宜持重以待之彼糧盡必退退而擊之蔑不濟矣二旬而興退光曰興可擊矣遂追之興敗

因擊雙武大破之斬獲萬五千級武棄安定與雙皆奔

上邽鑒等進攻之晉公柳數出挑戰

數所角翻挑徒了翻

王猛不

應柳以猛爲畏之五月留其世子良守蒲阪帥衆二萬

西趨長安去蒲阪百餘里鄧羌帥精騎七千夜襲敗之

帥讀曰率趨七喻翻敗補邁翻

柳引軍還猛邀擊之盡俘其衆柳與數

百騎入城猛羌進攻之秋七月王鑒等拔上邽斬雙武

宥其妻子以左衛將軍符雅爲秦州刺史八月以長樂

公丕爲雍州刺史

樂音洛雍於用翻

九月王猛等拔蒲阪斬晉

公柳及其妻子猛屯蒲阪遣鄧旒與王鑒等會攻陝城

燕王公貴戚多占民爲蔭戶

占之瞻翻晉制官品自第一至第九各以貴賤

占田有差而又各以品之高卑蔭其親屬多者及九族少者三世宗室國賓先賢之後及士人子孫亦如之而

又得蔭人以爲衣食客及佃客

國之戶口少於私家

少所沼翻

倉庫空竭用

度不足尚書左僕射廣信公悅綰曰今三方鼎峙

三方謂燕

晉秦也

各有吞併之心而國家政法不立豪貴恣橫

橫戶孟翻

至使民戶殫盡委輸無入

委於僞翻
輸書遇翻

吏斷常俸戰士絕

廩官貸粟帛以自贍給既不可聞於隣敵且非所以爲

治

治直吏翻

宜一切罷斷諸蔭戶盡還郡縣

罷斷丁管翻

燕主皞

從之使綰專治其事糾擿姦伏

擿他歷翻

無敢蔽匿出戶二

十餘萬舉朝怨怒

朝直遙翻

綰先有疾自力釐校戶籍疾遂

亟冬十一月卒

十二月秦王猛等拔陝城獲魏公廩

送長安秦王堅問其所以反對曰臣本無反心但以弟

兄屢謀逆亂臣懼并死故謀反耳堅泣曰汝素長者固

知非汝心也且高祖不可以無後

符健廟號高祖

乃賜庾死原

其七子以長子襲魏公餘子皆封縣公以嗣越厲王及

諸弟之無後者

符生廢爲越王諡曰厲

苟太后曰庾與雙俱反雙

獨不得置後何也堅曰天下者高祖之天下高祖之子

不可以無後至于仲羣不顧太后謀危宗廟

符雙字仲羣

天

下之法不可私也以范陽公抑爲征東大將軍并州刺

史鎮蒲阪鄧羌爲建武將軍洛州刺史鎮陝城擢姚眺

爲汲郡太守加大司馬溫殊禮位在諸侯王上是

歲以仇池公楊世爲秦州刺史世弟統爲武都太守世
亦稱臣于秦秦以世爲南秦州刺史

資治通鑑卷一百一